

Carta a los HEBREOS

Ī macu s̄uorine ĩ ocare Dios ĩ gotimasiore queti

¹ Tirũm̄ju cojõji me mani ñic̄are Hebreo masare ĩnare gotimasioñuju Dios. Īre gotirẽtobosariarã s̄uorine ĩnare gotimasioñuju ĩ. Īna gotise rĩ me ĩnare yimasioñuju. Gajeye quẽne, ricati ĩnare ĩ yiroticõamasire rãca ĩnare yimasioñujarã. To bajiri, “To bajiro t̄oĩagũ ñagũmi”, yimasioñujarã ĩna, mani ñic̄na. ² To bajiri yuc̄rirema, Dios ĩ mac̄re manire ĩ cõajare, quẽnaro Diore masiaja mani. Macar̄uc̄ro, õ vecaye ñajediro ĩ mac̄u s̄uorine tire rujeomasioñuju Dios. Ī mac̄ne ñaami, “Jediro macar̄uc̄roayere c̄uor̄uc̄ja m̄u” ĩ yimasir'ĩ. ³ Dios mac̄re ajitirũnrã ĩre masirã ñari, “Rẽtoro ñamasugũ ñagũmi Dios”, yimasiaja mani. Diore masirã ñarãma ĩ mac̄re masirã. Ī mac̄re quẽnaro masicõari, “Ī jac̄re bajirone bajigũ ñagũmi”, yimasiaja mani. Ī mac̄ne ñaami, “Adi macar̄uc̄roaye bajim̄orũgõato” yirotimasir'ĩ. Īne ñaami, Diore ajitirũnrã rojose mani yise vaja manire rijabosacõari, Diorãca ñajedirore rotigũ.*

“Ángel mesa rẽtoro ñamasugũ ñaami Dios mac̄u”, yire queti

⁴ To bajiri adirũm̄ri Diorãca rotigũ ñari, Diore moabosarã ángel mesare rẽtoro ñamasugũ ñaami

* **1:3** Jn 1.1-3.

Dios macu. ⁵ Ī sīgũne ñamasugũ ĩ ñajare, ado bajise ĩre yiyumi Dios:

“Adirãmune yu macu ñari, yure bajiro rotisurocujaja mu”, ĩre yimasĩñuju Dios.

Ángel mesarema, to bajiro ĩnare yibesumi Dios. Gãjerãre quẽne, ti ãnire yibecune ĩ macu sīgũrene tuoĩagũ, ado bajiro yiyumi Dios:

“Ī jacu ñaja yu. To bajiri yu macu ñaami”, ĩre yiyumi.

⁶ Ī macu ñamasugũre, adi macarucurojure ĩre cõagũ, ado bajise ĩre yiyumi:

“Ángel mesa quẽne mure rucubuo jedicõararãma ĩna”, yiyumi Dios.

⁷ ĩre moabosarimasa ángel mesare yigu, ado bajiro yiyumi Dios:

“Ángel mesare yu rotijama, yoaro me mino ti vēatuvasere bajiro yoaro mene yure cadiruarãma. To yicõari, jea ãjuse guaro ti ãjũjẽnirore bajiro yure moabosararãma ĩna”, yiyumi Dios, ángel mesa ĩre ĩna moabosarotire yigu.

⁸ Ī macu ñamasugũre yigu, ado bajirojua yiyumi Dios:

“Yu macu ñari, Dios ñaja mu. Mu rotise jedibe-tiruroja. Masare mu rotijama, yu bojarore bajirone quẽnaro rotirucujaja mu.

⁹ Yu bojarore bajiro quẽnaro yigu, rojosejua rema yibetirucujaja yituoĩarũgũcaju mu. To bajiro yicacu mu ñajare, ‘Gãjerã rẽtoro ñamasugũ ñaja’ mure yaja yu. To bajiro mure yu yijare, buto variquẽnaja mu”, yiyumi Dios, ĩ macure.

10 Quēna gajeye ado bajise yiyumi Dios, ĩ macure yigũ:

“Rēmojũne adi macarũcũrore rujeomasicajũ mũ.

11 Mũ rujeomasicati jedirone ti jedicoaboa-
jaquēne, mũjũama, ñacõa ñarũgũrocũ ñaja
mũ, Dios ñari.

12 Sudi ĩna sãñasũosere vejecõari, gajeye quēnase
ĩna vasoasãñarore bajiro, adi macarũcũro
ñase ti jedirore quēna gajeye vasoarũcũja
mũ. Mũma, rijabetirocũ ñari, mũne ñacõa
ñarũgũrũcũja mũ”, ĩ macure yiyumi Dios.

13 Quēna, ĩ macũ sĩgũrene ado bajise
yirũcũbũoyumi Dios:

“Rũcũbũoriajaurũ rujiya maji. Mũre ĩaterãre, ‘Ro-
jose yitũjaya’ ĩnare yũ yiro bero, rojose yima-
sibetirũarãma. To cõrone rotisũorũcũja mũ”,
yirũcũbũoyumi Dios, ĩ macure.

Ángel mesarema, to bajiro yibetimasĩnjuju Dios.

14 Ángel mesama, ruyumena ĩre moabosarã ĩ cõarã
ñarãma. To bajiri, Diore ajitirũnrã õ vecajũ
quēnaro ĩ rãca ñaronare ejarẽmorã ñarãma ángel
mesa.

2

*“ĩ macũ sũorine quēnaro manire Dios ĩ yirotire
ajitirũnrũ tũjabetiroti ñaja”, yire queti*

¹ Dios macũ ñamasugũ ĩ ñajare, ĩ ocare butobũsa
ajitirũnrũto mani, tire mani ajitirũnrũ tũjajama,
“Quēnaro manire Dios ĩ yirotire masiriticõari, ro-
jose yirobe” yirã. ² Tirũmũju ángel mesa sũorine,
Dios ĩ rotimasire Moisére ejamasĩnjuju ti. Tire,
“Dios ye masu ñañuja”, yimasiaja mani. Tire
cũdibetimasiriarã ñaboarine, rojose Dios ĩ yirotire

masicōari, bojabetimasiñujarã. To bajiro bajirã ñaboarine, rojose tãm̃o jedicōamasiñujarã ñna. ³⁻⁴To bajiri Dios ï yirere masiboarine, ï rotimasire rētoro quēnasere mani ajitir̃ñu t̃ujajama, “No bajiroj̃ua yicōari rojose manire yibeticōato Dios”, yimasibetir̃uarãja. Rēmoj̃une mani ũju Jesús ñañuju, adirodor̃i Dios ï yarãre quēnaro ï yirotire gotis̃or'ï. Ìre ajiriarã, ti ocare manire gotir̃etocama ñna. To yicōari, Dios s̃orine jairo ñañañamanire manire yïlocama. To yicōari, Dios ï bojarore bajiro ñna yimasirotire yig̃u, tocãrãc̃urene ricati r̃ne ï masisere ñnare ũjoyumi Esp'iritu Santo. To ï yijare, manire quēnaro gotimasilocama ñna. To bajiri, “Cristo oca socase mene bajiaja ti”, yimasicoacaj̃u mani quēne.

Jesu Cristo manire bajig̃u ï ñnare queti

⁵ Diore moabosarã, ángel mesarema, “Adi macar̃uc̃uro jedirore rotir̃uarãja m̃ua”, ñnare yibesuju Dios. ⁶ Masaj̃uarema, “Adi macar̃uc̃urore rotir̃uarãja m̃ua”, ñnare yimasiñuju. S̃ig̃ũ, Diore ï sēnirere ucag̃u, ado bajise ucamasiñumi:

“Dios, ¿no yig̃u ñamasurã me ỹua ñaboajaquēne, ỹuare masiritibeati m̃u?”

⁷ ‘Ángel mesare bajiro bajibeticōato’ yig̃u, ‘Ñamasurã me ñar̃uarãma’, ỹuare yiyuja m̃u. To bajiro ỹuare yic̃ur'ï ñaboarine, ‘Ñamasurã ñato’ ỹuare yic̃ũñuja m̃u quēna.

⁸ ‘Adi macar̃uc̃uro ñase jediro m̃u c̃ũrere rotimasiato’ yig̃u, ỹuare c̃ũñuja m̃u”, yiucomasiñuju s̃ig̃ũ, Diore sēnig̃ũ.

“Noaj̃uane masare c̃udimena manir̃uarãma” Dios ï yire ti ñaboajaquēne, ñajediro manire

caɗijedibeamā maji. ⁹ To bajiboarine, sīgũ adi macarucuroaye jediro rotimasigũre masiaja mani, Jesús vāme cutigure. Ī bajirere ado bajiro masiaja mani: Ángel mesa rētoro ñamasugũ ĩ ñaboajaquēne, “Yoaro meaca ñamasugũ mere bajiro bajirucami” yigũ, adigodojare ĩre cōañumi Dios. To bajiro ĩ yicōar'i ñari, manire rijabosayumi Jesús. Rojose tāmucōari, ĩ rijabosare ñajare, “Jediro ucũ ñamasugũ ñarucami”, ĩre yiyumi Dios.

¹⁰ Adi macarucuro ñase jediro Dios ĩ rujeore ñaja. Quēnaro ĩ rotimasijare, adi macarucuro bajise jediro bajiñarũgũaja. Jediro Jesucristo suorine, “Yũ yarã ñaama” Dios ĩ yĩlarã, “Yũ tũjũ ejasasiruarãma”, ĩnare yiyumi Dios. To bajiro yigũ ñari, “Rojose ĩna tāmucoborotire yirētobosaaya” yigũ, ĩ macure cōañumi Dios. To bajiro ĩ yiroticōajare, rojose tāmucōari, manire rijabosayumi Jesucristo.

¹¹ To bajiri, Jesúrãca ñarã ñari, sīgũ rĩare bajiro bajirã ñaja mani. Mani quēne, Dios rĩa mani ñajare, bojonebecune, “Yũ bederã ñaama”, manire yigumi Jesús. ¹² To bajirone gotiaja Dios ocare masa ĩna ucamasire:

“Mũ bajisere yũ bederãre ĩnare gotirucũja yũ.
 ĩna rãca rējacōari, mure variquēnarã,
 basaruarãja yũ”, yigotiaja.

¹³ Quēna gajeye ado bajise gotiaja, Jesús Diore ĩ yirotire yiro:

“ ‘Yure ejarēmorucami’ Diore ĩre yitucōaja yũ”, yigotiaja.

Quēna gajeye, ado bajiro gotiaja:

“ ‘Yũ rĩare bajiro bajirã ñaama’ Dios ĩ yicana rãca adojũ ñaja yũ”, yigotiaja, Jesús ĩ yirotire yiro.

14 Mani, Dios rña, sġgũre bajirone ruġu cãti, ri'i cãti bajiaja mani. To bajiri, Jesũs quẽne, Dios macu ñaboarine, manire bajirone ruġu cãticõari, manire rijabosayumi. To bajiro ĩ bajijama, ĩ rijabosase sũorine rojose tãmuotũjabetiriaroġu masare vãti ĩ varotiboasere tire tegu bajiyumi. 15 Adi macarũcũro ñarã rojose yirã ñari, bajireacõari bero, "Rojose yiecorũarãja" mani yitũoĩagũiiboarere "To cõrone gũitũjato ĩna" yigũ, manire rijabosayumi. 16 To bajiri, "Ángel mesare ejarẽmogũ bajiyumi Jesũs", yibeaja mani. Ado bajiroġuã yimasajaja mani: "Diore Abraham ñamasir'i ĩ tũoĩariarore bajiro tũoĩarãjuare manire ejarẽmogũ bajiyumi", yaja mani. 17 To bajiri manire bajiro ruġu cãticõari rojose tãmuõñumi Jesũs. Adi macarũcũro ñagũ paia uġu ĩ ñagõbosaro rẽtoro ĩ jacũ ĩ ñaroġu ĩ rijabosariarãre "Ñagõbosagũsa" yigũ bajiyumi Jesũs. Dios ĩ ĩajama, masa ĩna bajisere quẽnaro gotirẽtobosagu, to yicõari masa rojose tãmuorãre ĩnare ĩamaigũ ñañumi. ĩne ñañumi masa rojose ĩna yise vajare "Ĩnare masirioato Dios" yigũ, rojose tãmuocõari, ĩnare yirẽtobosar'i. 18 Cojojirema Dios ĩ bojarore bajiro ĩ yise, bũto josarũgũñuju ti, Cristore. To bajiri rojose tãmuõñuju ĩ. To bajirone bajiaja manire quẽne. Manire bajiro bajir'i ñari, Diore mani cãdiroti ti josajama, manire ejarẽmomasiãmi Jesũs, "Yure bajiro ĩna quẽne, Dios ĩ bojasere yato" yigũ.

3

"Moisės rẽtoro ñamasugũ ñagũmi Jesũs", yire queti

¹ To bajiri, “Jesús manire ejarēmogū ñaami”, yimasiaja mani. Manijua, “Dios ĩ ejarēmose rāca Cristore ĩre ajitirūnuroti ñaja” yimasicōari, ĩre cūdirā ñaja mani. “Yu yarā ñato” Dios ĩ yiriarā ñaja. Jesújua ñagūmi, “Masare quēnaro yu yiotire gotiba” Dios ĩ yicōar'i. To bajicōari, tirūmujū paia ujarā ĩna yisoadimasire ũnre yigū, Cristo quēne rojose mani yisere “Masirioato Dios” yigū, manire sēnibosagu ñagūmi. To bajiri, “Ñamasugū ñagūmi Jesús”, yituoĭato mani. ² Adi macarucurojūre ñagū Dios ĩ rotirore bajirone yigū, Dios yarā masare quēnaro ejarēmoñumi Jesús. To bajirone yimasiñuju Moisés ñamasir'i quēne. Dios ĩ rotirore bajirone yigū, Dios yarāre quēnaro ejarēmomasinuju. ³⁻⁴ Quēnaro ĩnare ejarēmomasir'i ñaboarine, “‘Rojose mana ñaama’ Dios ĩ yĭarā ñato”, yimasibetimasinuju. Jesújua, “‘Rojose mana ñaama’ Dios ĩ yĭarā ñato”, yimasigū ñaami. To bajiro yigū ĩ ñajare, Moisés ñamasir'i rētoro Cristore rucuburoti ñaja. ⁵ Moisés ñamasir'ijua, Dios moarimasare bajiro bajimasinuju. To bajicōari, Dios ĩ yiotirore bajirone cudigū, Diore ajitirūnrāre quēnaro ejarēmogū ñamasinuju. To bajiro ĩ yimasirere tuoĭacōari, “Cristo sūori Dios manire quēnaro ĩ yiotire gotimasioḡū yimasiñumi Moisés”, yimasiaja mani. ⁶ Cristojua, Dios moarimasare bajiro me bajiyuju. ĩ ñaami Dios macū, ĩ rotirore bajirone yigū. To bajicōari, Dios yarā ujū ñaami Cristo. “Cristo sūori quēnaro Dios ĩ yiotire yiecoruarāja mani” mani tuoĭatujabetijama, ĩ yarā ñacōa ñarūḡūuarāja.

“Diore ajitirānu tujabesa mua”, yire queti

7 To bajiri Dios yarā ñari, Cristore ajitirānu tujabeticōato mani. Dios ocare masa ñna ucamasire Dios yarāre gotigu, ado bajiro yimasiñumi Esp'iritu Santo:

“Yucune mware yu gotisere mua ajijama, yu yirotirore bajiro cudiya.

8-9 ‘Mware ajitirānumenaja yua’ yibesa. Mua ñicua yure jūnisinicōari, ñna cūdibetimasicatire bajiro bajibesa mua. Mua ñicua, masa manojū ñna ñacudiro, jarā masa cōro ñaricūmari ñaiañamanire ñnare yīorūgūboacaju yu. To yu yiboajaquēne, yure ajirūcūbūomena ñari, ado bajise yirūgūcama ñna: ‘Mani bojasejua mani yijama, ¿no bajise manire yirojari Dios?’ yirūgūcama ñna.

10 To bajiro ñna yisere jūnisinicōari, ado bajise ñnare yicaju yu: ‘Yure ajiterūgūaja mua. To bajiri, “Ado bajiro tuoīagū ñagūmi”, yure yimasi-beaja mua’, ñnare yicaju yu.

11 Quēna gajeye ñnare goticaju yu: ‘Riojo mware gotiaja yu. Yu rāca quēnaro mua ñasere bojaboacaju yu. To bajiboarine cojoji me mūajua yure mua ajibetijare, yu rāca quēnaro ñabetiruarāma’ yicōacaju yu”, yigotimasiñumi Dios ī cōagū Esp'iritu Santo.

12 To bajiri mani ñicua Diore ñna ajitirānu tujamasiriarore bajiro bajibesa yu yarā mua. Sīgū mani yu, “Dios ocare socase ñaja” ī yisere ajicōari, quēnaro ñre gotimasioña, “Masirētogū Dios yere ajitirānu tujaromi” yirā. 13 Dios ocare gāmerā gotivariquēnaña mua. “Maji busiyu gāmerā gotiroti ñaroja”, yituoīabesa, mua rācana sīgūri vāti

ĩ rotisejũare c̄udicõari, “‘Dios oca socase ñaja’ yiro ma” yirã. To bajiri tocãrãcarũmũne gãmerã goticõa ñarũgũroti ñaja mũare, “Tire ajitirũnũ tũjabeticõato” yirã. ¹⁴ Tirũmũjũ, Cristore ĩre mani ajitirũnũsũocatore bajirone ĩre ajitirũnũcõa ñaroti ñaja manire. To bajiro mani bajicõa ñajama, mani bajirearo berojũ õ vecajũ Cristo rãca quẽnaro ñacõa ñarũgũrũarãja mani.

¹⁵ Tire mũare yũ gotirote bajirone gotiaja Dios ocare masa ĩna ucamasire:

“Yucũne mũare yũ gotisere mũa ajijama, yũ yirotirote bajiro c̄udiya. ‘Mũre ajitirũnũmenaja yũa’ yibesa. Mũa ñicũa yũre jũnisinicõari, ĩna c̄udibetimasicatire bajiro bajibesa mũa”, yigotiaja Dios ocare masa ĩna ucamasire.

¹⁶ Mani ñicũa ĩna bajimasirere tũõĩaĩa mũa quẽna: ¿Ñimarã ñañujari Dios ĩ masune ĩ gotisere ajirã ñaboarine, c̄udibetiriarã? Egipto sitajũ ñarãre, Moisés ĩ ũmato variarãne bajiyuma. ¹⁷⁻¹⁸ Juarã masa cõro ñaricũmari, Diore ĩna c̄udibetijare, bũto jũnisiniñuju Dios. ĩnare jũnisinicõari, ado bajiro ĩnare yimasiniñuju Dios: “Riojo mũare gotiaja yũ. Quẽnari sitare mũare yũ ujoũaboacatore ejabetirũarãja mũa”, ĩnare yimasiniñuju Dios. To bajiro ĩ yire ñajare, ti sitajũ ejamenane, masa manojũ ĩna ñacudimasiriarojũne bajireacoamasiniñujarã ĩna. ¹⁹ Tire ajicõari, “Diore ajirũcũbũobetiriarã ñari, ti sitajũre ejabesuma”, yimasiaja mani.

4

¹ To bajiri mani ñicũa ĩna bajiriarore bajiro bajibeticõato mani. “Yũ yarã, yũ rãca quẽnaro ĩna

ñasere bojaja yu” ñnare Dios ñ yiriarore bajirone yami, manire quēne. To bajiri, quēnaro gāmerā ejarēmoto mani, “Mani jedirone, Diorāca quēnaro ñnacōa ñnarūgūrāsa” yirā. ² ñnare Dios ñ yimasiboariarore bajiro manire quēne quēnaro ñ yirotere ajicajū mani. Mani ñicūajūama, Dios ocare ajirā ñaboarine, ñnare ñ gotiriarore bajiro ñna bajibetijare, “Tojū ñaruarāja” ñ yimasiboariarore eja-betimasiniñarā. ³ Manijūama, Diore ñre ajitirānū tūjabeticōato mani. ñre ajitirānūarā rñne ñarāma quēnaro ñ rāca ñarona. To bajiro ti bajijare, ado bajise ñnare gotimasiniñuju Dios, mani ñicūare:

“Riojo mūare gotiaja yu. Mūare buto jūnisinicōari, yu rāca quēnaro ñabetiruarāja mūa”, ñnare yimasiniñuju Dios, ñre ajitirānūbetiriarāre.

To bajiboarine adi macarūcūore rujeogūjūne, “Masa yu beserā rāca quēnaro ñarūcūja yu”, yitūoñacōamasiñuju Dios. ⁴ To bajiro ñ yimasirere masiaja mani, Dios ocare masa ñna ucamasire ado bajise ti gotijare:

“Adi macarūcūro ñase jedirore rujeojeocōari, cojomo cōro, gaje āmo, jūa jēnitarirūmūre quēnaro ñnacōamasiñuju Dios”, yigotiaja Dios ocare masa ñna ucamasire.

⁵ To bajiri, “Yū ñnare bajirone quēnaro yu rāca ñaruarāma” ñ yiboarere ñna ajitejare, ado bajiro ñnare yimasiniñuju Dios:

“¡Yū rāca quēnaro ñabetiruarāja mūa!”, yimasiniñuju.

⁶ “Yū rāca quēnaro ñnato ñna” yigū, Dios ñ yimasirere ajiriarā ñaboarine, ñ rāca quēnaro ñabetimasiniñarā ñna. To bajiboarine, masa rāca quēnaro ñ ñarotire bojacōa ñnaami Dios. ⁷ To bajiri mani ñicūa ñnamasiriarā ñ gotirere ajitemasiriarā bero yoatojū

David ñamasir'i Diore ajicõari, ado bajiro ucamasiñuju:

“Yucane mware yu gotisere mua ajijama, yu yirotirore bajiro cadiya. ‘Mure ajitirũnũmenaja yua’ yibesa mua”, yuucamasiñuju David ñamasir'i, Dios oca tutija.

⁸ Diore ajitemasiriarã ñna bajireajediro bero, ñna rĩa ñamasiriarã mani ñicware ñnare ãmato vamasĩñuju Josué ñamasir'i, Dios ñnare ñ ujomasiriarojure. Toju quẽnaro ñamasĩñujarã ñna mani ñicua. Quẽnaro ñaboarine, Diorãca quẽnaro ñna ñabetijare, ado bajiro yimasĩñuju Dios: “Yucane mware yu gotisere mua ajijama, yu yirotirore bajiro cadiya”, ñnare yimasĩñuju quẽna. ⁹ To bajiri mware yu gotisere ajicõari, ado bajiro ajimasirãja mua: “Dios yarã, ñ rãca quẽnaro ñna ñacõa ñarotire bojacõa ñagũmi”, yimasirãja mua. Diorãca quẽnaro mani ñase ado bajiro bajiaja: Dios adi macarucuro rujeogajanocõari, quẽnaro ñacõamasĩñuju. Tire bajirone bajiroja, Diorãca quẽnaro mani ñacõa ñase quẽne. ¹⁰ Adi macarucuro ñase jediro rujeogajanoacu, ñ bojarore bajiro ti bajirotirore masicõari, quẽnaro ñacõamasĩñuju Dios. Ñre bajiro quẽnaro ñarucumi, “Ado bajiro mu yijama, yu rãca quẽnaro ñarucuja mu” Dios ñ yirotisere cadigũ quẽne. ¹¹ To bajiri ñ rãca quẽnaro mani ñasere Dios ñ bojajare, quẽnabusaro ñre ajitirũnũto mani, “Ñ rãca quẽnaro ñarãsa mani” yirã. Mani ñicua Diore ajitirũnũbeticõari, ñ rãca quẽnaro ñna ñabetimasiriarore bajiro bajibetiroti ñaja manire.

12 “Dios oca ñamasuse ti ñajare, ajitirũnũcõa ñaroti ñaja”, mũare yigotiaja yũ. Masijeogũ ñajare, “To bajiro bajirũaroja” í oca ti yigotirore bajirone bajirũaroja ti. Jariase jũajacatuajũne bũjariase mani usũju ti ejarore bajiro bajaia Dios oca, mani ajise. To bajiri, mani tũoĩase, “Masibecũmi Dios” mani yiboasere quẽne ñamasigũ ñaami Dios. Í oca sũorine, “Rojose ñaja; quẽnase ñaja”, yitũoĩamasiaja mani. 13 Disejũa Dios í rujeorere ñre yayiomasiña manoja. To bajiri, disejũane mani yise, mani tũoĩase quẽne, í masibeti manoja. Í ñagũmi, ñajediro mani yisere mani gotirocũ.

“Paia mũju rẽtoro ñamasugũ ñagũmi Cristo”, yire queti

14 Cristo, paia mũju rẽtoro ñamasugũ ñagũmi. Dios macũ ñari, í tũju manire ñagõbosagu ñagũmi. To bajiri, ñre ajitirũnũ tũjabeticõato mani. 15 “Cristo adi macarũcurojũ í ñaro, Dios í bojabetire yato” yigũ, manire í yicoderũgũrore bajiro Cristore quẽne rojosere ñre yirotirũgũboayuju Satanás. To bajiboarine rojose yibesuju Cristo. “Yũare quẽne rojose yirotirũgũcami Satanás; ñnare quẽne to bajirone yami” yimasigũ ñari, “Dios í bojarore bajiro ñna yirũaboase ñnare josaja ti” yigũ, manire ñamaicõa ñagũmi. Manire ñamaicõari, paia mũju rẽtoro ñamasugũ ñari, “Mũare ajitirũnũ tũjabeticõato ñna’ yigũ, ñnare ejarẽmoña”, í jacũre manire yisẽnibosarũgũgũmi. 16 To bajiri mani quẽne, Diore gũimenane, sẽniroti ñaja. ñre mani sẽnijama, rojose mani yise vaja rojose manire í yiborotire manire ñamaicõari, yibetirũcũmi. No bojarijũne

ĩ ejarẽmosere mani bojajama, quẽnaro manire ejarẽmorucami.

5

¹ Mani ñicua ñna ñarirodore ñamasĩñuju paia uju ñamasugũ, Dios ĩ beser'i, "Masare ejarẽmoato" yigu, ĩ cũr'i. Ado bajiro yirũgũmasĩñuju: Vaibucurã ĩre ñna ĩsere quẽne boca juacõari, soemobosarũgũñuju, rojose ñna yisere "Ĩnare masirioya mu" ĩnare yisẽnibosagu. ² ĩ quẽne, manire bajirone bajigu ĩ ñajare, Dios ĩ rotise yimasijeogu me ñamasĩñuju ĩ. "Yure quẽne josaja" yitũoĩagũ ñari, "Gãjerã Diore ajitirũnrãre, to bajirone bajiroja", yĩamainuju. ³ Manire bajirone rojose yigu ñari, "Rojose yu yise vaja yure masirioato Dios" yigu, gãjerãre ĩ sãnibosaroto rĩjoro, ĩ quẽne vaibucu rii soemorũgũñuju. ⁴ Nijũane, "Yu ñagũsa paia uju", yibetimasĩñuju. Gãjerã quẽne, "Ĩ ñato", yibesujarã. Dios sigũne, "Mu ñarucuja paia uju ñamasugũ", yimasigũ ñamasĩñuju ĩ. To bajiri, Aarõn ñamasir'ire, "Paia uju ñaña", ĩre yicũsomasiñuju Dios. ⁵ To bajirone ĩre yiyumi Jesucristore quẽne. Dione ĩre cũñumi. To bajiri ado bajise ĩre ĩ gotirotire ucamasĩñuma masa:

"Adirãmũne yu macu ñari, yure bajiro rotisorucuja mu' yami Dios", yucamasĩñuma ñna, Cristore, Dios ĩ gotirotire yirã.

⁶ Gajeye ĩ macure ĩ gotirotire ado bajise yucamasĩñuma ñna:

" "Masa rojose ñna yisere ĩnare masirioya" ĩnare yisẽnibosagu ñarucuja mu' mure yaja yu. 'Paia uju ñamasugũ Melquisedec ĩ bajicatore

bajiro bajirucaja m̄ m̄re yaja ȳ”, yiuca-
masiñuma ña, ñ mac̄re Dios gotirotire yirã.
7 Cristo, manire bajiro ruj̄ c̄aticōari, adigodoj̄
ñagũ ñ bajirocaroto r̄joro, Diore b̄uto s̄enirũgũñuju
ĩ. Otigune, ado bajise jacase s̄eniñuju ĩ: “Cac̄,
‘Ȳre s̄abeticōato ña’ yiḡ, ȳre ejarẽmoña. To
bajiboarine, m̄ bojarore bajirone bajirucaroja”,
yiyuju Cristo, ñ jac̄re. Ñ rotirore bajiro yiḡ ñ ñajare,
ñre ajicōari, “Ȳ bojarore bajirone bajiato” yiḡ, ñre
ejarẽmoñuju Dios. 8 Dios mac̄ ñaboarine, rojose
t̄am̄oñumi Cristo. “Rojose t̄am̄oaboarine, Diore
c̄adicōa ñaroti ñaja”, yit̄oñañuju. To bajiro bajica
yiḡ, ñajediro Dios ñ rotirore bajirone yiyuju Cristo.
9 Ñ rotirore bajirone ñ c̄adijeocōajare, “M̄ s̄ori ña
rijato beroj̄, m̄ r̄aca ñacōa ñarũgũr̄arãma ña,
m̄re ajitir̄an̄rã”, ñre yiyuju Dios. 10 To bajiri,
“Paia ñ̄j̄ ñamasugũ Melquisedec ñamasir'i ñ baji-
catore bajiro bajirucaja m̄” Dios ñ yir'i ñagũmi
Cristo.

*“Jesucristore ajitir̄an̄ t̄ajabetiroti ñaja”, yire
queti*

11 “Tir̄m̄j̄ paia ñjarã ña yis̄oadimasire ñnre
yiḡ ñaami Cristo” ȳ yigotir̄em̄oaboase jairo
r̄ayaja maji. Tire ajimasijeomenaja m̄a, b̄uto
m̄are ti josajare. 12 Tir̄m̄j̄, Cristore ñre aji-
tir̄an̄s̄ocaj̄ m̄a. To bajiri tire quẽnaro buecōari,
b̄utob̄usa ñ bojarore bajiro m̄a yir̄tu vajama, j̄re
ñ ocare masare gotimasiocoarona ñaja m̄a. To ba-
jiboarine, “Maji, josabetij̄are ȳare gotimasiocōa
ñaña” yit̄oñar̄re bajiro bajiaja m̄a. 13 R̄iama
ñjur̄ãcare bajiro ñaja m̄a. To bajiro bajirã ñari,
“Quẽnase ñaja; rojose ñaja” ña yimasibetore bajiro

bajirã ñaja mña. ¹⁴ Rĩamasare bajiro me bajiama buñacoanajmama. Tũoĩamasicoana ñari, “Quẽnase ñaja; rojose ñaja” yitũoĩamasicõari, Dios ĩ bojarore bajiro yirã ñaama.

6

¹ To bajiri Cristo oca ñamasuse ti ñajare, “Yũ gotisere ajimasiriaro maja mña” yũ yisere gotigũagũ yaja, Dios ĩ bojarore bajiro mña yivotire yigũ. Jẽre Cristo oca josabetibũsasere masiaja mani. Adi ñaja Cristo ye mani buesũocati: “Rojose yitũajacõari, quẽnasejũare yitũoĩaroti ñaja manire” yirere buecajũ mani. “Diore mani ajitirũnũbetijama, rojose tãmũotũjabetiriarojũ varũarãja mani” yirere quẽne buecajũ mani. ² Gajeye ado bajiro buecajũ mani: “Cristore ajitirũnũrã ñaja yũ” yirãre oco rãca ĩna bautizasere quẽne buecajũ mani. To yicõari, “Esp'iritu Santo, mña rãca ñarũcũmi” yirã, ĩnare ĩna ãmo ñujeosere quẽne buecajũ mani. Quẽna gajeye ado bajise buecajũ mani: “Cristore ajitirũnũrã, bajireacoaboarine, tudicaticõarũarãma” yirere quẽne buecajũ mani. To yicõari, masare Dios ĩ beserotire quẽne buecajũ mani. ³ Ti ñacajũ Dios oca josabetibũsa mani buesũocati. To bajiri, josasere quẽne buemasicõari, bũtobũsa ĩ bojarore bajiro yirũtuajaro mani, Dios ĩ bojajama.

⁴⁻⁶ Sĩgũri Dios ocare ajitirũnũrã ñarãma maji. To bajicõari, Esp'iritu Santore cũorã ñarãma. To yicõari, Dios ĩ bojasere yirã ñarãma. Dios ĩ masise rãca ĩalañamanire yĩioecoriarã quẽne ñarãma. To bajiro yirã ñaboarine, ĩna ajitirũnũ tũjajama, jũaji ajitirũnũbetirũarãma. To bajiro ĩna bajijama, Jesucristore ĩatecõari, yucũtẽrojũ ĩre jajuturiarã ũnane ñarã

bajirãma ñna. To bajiro ñna bajijare, gãjerã quêne Dios ocare ajicõari, quẽnaro ote vãnari sitare bajiro bajaia mani” yigũ, ado bajise mũare gotiaja yũ: Vese ote ñarivesere oco ti quediõ bero ote quẽnaro ti vãnãrore bajiro bajiroti ñaja manire. To bajicõari, ti sitajũre ote vãnãcõari, quẽnaro ti rica cutijama, variquẽnagũmi ti vese mũũ. To bajiri, ote rica cuti vese ñ ñavariquẽnarore bajiro manire quêne ñavariquẽnagũmi Dios, ñ ocare ajicõari, ñ bojarore bajiro mani yijama. ⁸To bajicõari, gajejũma vese yiriajũ sita quẽnabeto ñari, oco ti quediboa-jaquêne, ote vãnãbetone, vidise rĩne ti judijama, “Sita quẽnabeto ñaja” yigũ, tire soereacõagũmi ti vese mũũ. Tire bajirone Dios ocare ajiboarine, ajitirũnũ tũjacõari, ñ bojabetire ñna yijama, rojose tãmũotũjabetiriaroju ñnare reacõarũcũmi Dios.

“Yũre yirẽtobosarũcũmi Cristo’ mani yitũoĩacõã ñajama, quẽnaja”, yire queti

⁹“Ado bajiro bajirãma Cristore ajitirũnũ tũjarã” mũare yũ yigotimasiosere, “Mũane ñaja Diore ajitirũnũ tũjarona” yigũ me yaja yũ. Quẽnaro mũa yirere ajicõari, “Jesucristo sũori Dios yarã ñarãma”, mũare yaja yũ. To bajiro mũare yimasicõari, “Bũtobũsa Dios ñ bojarore bajiro yirũtu varũarãma ñna”, mũare yaja yũ. ¹⁰Quẽnaro riojo yigũ ñaami Dios. To bajiro yigũ ñari, ñ bojarore bajiro quẽnaro mũa yirere masiritibetirũcũmi. To bajiri, gãjerã Dios yarãre mũa ejarẽmorere ajicõari, “Diore rũcũbũorã ñarãma”, mũare yimasiaja yũ. Ñnare ejarẽmocõã ñarãja mũa maji. Tire quêne masiritibetirũcũmi Dios. ¹¹To bajiro quẽnaro

mua yirũgũse quẽnaja ti. Variquẽnase rãca Dios ocare ajitirũnu tujamenane, ñajediro quẽnaro mua yirũgũrore bajirone gãmerã yicõa ñarũgũroti ñaja. To bajiro mua yicõa ñajama, “Cristo sũori quẽnaro manire yirũcũmi Dios” mua yitũoĩarore bajirone mũare yirũcũmi. ¹² Dios ocare ajiterãre bajiro mua bajisere bojabeaja yũ. To bajiri, “Bajirũaroja” ñnare ã yirere ajitirũnu tujabetiriarãre bajirojũa bajiya mua quẽne. Ñnare bajiro mua bajijama, mũare ã gotiriarore bajirone mũare quẽne yirũcũmi Dios.

¹³⁻¹⁴ Abraham ñamasir'i ã bajimasirere tũoĩaña mua. “Gãji yũre bajiro yigũ magũmi” yitũoĩagũ ñari, ado bajiro ãre gotimasiñuju Dios: “‘Mũre socabeaja yũ. Jãjarã jãnerabatia cõtirũcũmi’ mũre yaja yũ”, ãre yimasiñuju Dios, Abraham ñamasir'ire gotigũ. ¹⁵ “Ï yirore bajirone yigũ ñaami Dios” yigũ ñari, “Socũ yigũmi” yitũoĩarejaibetimasiñuju Abraham, Dios ã yirore yugũ. To bajiri, Dios socabecũ ã ñajare, “To bajiro bajirũaroja” Abrahamre ã yimasiriarore bajirone bajimasiñuju ti. ¹⁶ To bajiri, manijũama, “‘Socũ me yigũmi’ gãjerã yiajiato” yirã, masa rẽtoro ñamasugũ Dios vãme rãca yirũgũrãma. To bajise ñna yijama, “Socũ me yaja. Dios quẽne masigũmi”, yirũgũama. To bajiro ñna yisere ajicõari, “Socarã me yama”, yitũoĩarãma masa. ¹⁷ To bajiri, “‘Socũ me yigũmi Dios. Ï yirore bajirone yigũ ñagũmi’ Abraham yũre yiajiato” yigũ, “Mũre socabeaja yũ”, yimasiñuju Dios. ¹⁸ Socagũ me ñaami. “Yirũcũja” ã yirore bajirone yigũ ñaami Dios. To bajiro yigũ ã ñajare, rojose tãmũotujabetiriarojũ mani vaborotire manire yirẽtobosacõari, “‘Quẽnaro ñnare yirũcũja’ ã yiri-

arore bajirone manire yirucami”, yituoĭaja mani. ¹⁹⁻²⁰ To bajiro manire Dios ĩ yire ti ñajare, ĩ gotiri-arore bajiro ti bajiro tire tĕoĭacĕa ñato mani. Diore yirucubĕoriavi yotoriaro vajajua Dios ĩ ñarisĕajure jĭjaejacĕari, “Rojose ĩna yisere ĩnare masirioya” yisĕnibosarimasa ñamasinĭujarĭ paia ujarĭ. To bajiri, Cristo quĕne, ĩna yimasiriarore bajiro yigĕ, ō vecajĕ Dios ĩ ñarojĕ ejacĕari, “Rojose ĩna yisere ĩnare masirioya”, manire yisĕnibosa ñagĕmi. Paia uju ñamasugĕ Melquisedec ĩ yimasiriarore bajirone yigĕ, Cristo quĕne, manire sĕnibosacĕa ñarucami. Manire ĩ sĕnibosa ñajare, “Dios ĩ yiriarore bajirone quĕnaro manire yirucami”, yimasiaja mani.

7

“Aarón ñamasir'i rĕtoro quĕnaro manire yibosagĕmi Cristo”, yire queti

¹ Melquisedec, Salem macana ujĕ ñamasinĭuju. To bajicĕari, pai ñamasinĭuju. Ñajediro ujare Diore rĕcubĕogĕ ñamasinĭuju. Mani ñicĕ Abraham ñamasir'i gaje macariana ujarĕre sĭareacĕari, ĩ ya macajure tudiamasinĭuju ĩ. To bajiri ĩ tudiado, ĩre bocagĕ, vamasinĭuju Melquisedec. ĩre bocacĕari, ĩre sĕnibosamasinĭuju, “Quĕnaro ĩre yato Dios” yigĕ. ² To ĩ yiro bero, gaje macariana ujarĕre sĭareacĕari, ĩna ye gajeyeĕni ñaboare ĩna juarere, jĕaĕmo cĕro ñaritubuari yicĕcĕari, cojotubua Melquisedec ñamasir'ire ĩsimasinĭuju Abraham. “Melquisedec” ti yijama, “Uju quĕnase rĭne yigĕ” yire ũni ñaĭuju ti. Salem macana ujĕ ñamasinĭuju Melquisedec. “Salem” ti yijama, “Quĕnaro ñariamaca” yire ũni ñaĭuju. To bajiri,

“Quēnaro gāmerã yĩnato mani’ yigũ ñamasiñuju Melquisedec”, yimasiaja mani. ³ Melquisedec jacua, ĩ yarã quēne, to yicōari, ĩ ruyuarere, ĩ bajirocarere quēne ucare ti maniboajaquēne, “Pai ñamasiñuju Melquisedec”, yigotiaja Dios ocare masa ĩna ucamasire. To bajise yiucare ti maniboajaquēne, “Diore sēnitujabetirimi”, yaja mani. To bajirone bajiami Cristo quēne. “Īnare ejarēmoña’ manire yisēnibosa tujabecumi”, yimasiaja mani.

⁴ Abraham ñamasir'i ñamasugũ ĩ ñaboajaquēne, ĩ rētoro ñamasugũ ñamasiñuju Melquisedec. Gaje macariana ujarãre siareacōari, ĩna ye gajeyeũni ñaboare ĩna juarere, juaãmo cōro ñaritubuari yicũcōari, cojotubua Melquisedec ñamasir'ire ĩsimasiñuju Abraham.^b ⁵ Abraham ĩ bajirocaro bero, gajerodoju, “Paia ñaruarãma ĩna Abraham jãnami Lev'i vãme cutigu jãnerabatia”, ĩnare yicũmasiñuju Dios. To bajiri, “Sĩgũ jãnerabatia ñaboarine, ĩna c̄osere, juaãmo cōro ñaritubuari yicũcōari, cojotubua ĩna yũ Lev'i ya jũnanare paiare ĩsiruarãma ĩna”, ĩnare yimasiniuju ĩ. ⁶ Lev'i cuti jũnagu me ñaboarine, Melquisedec quēne, Abraham ĩ ĩsire boca juamasiñuju ĩ. Abraham ñamasir'ire, “Mũ s̄orine adi macar̄c̄roana ñajedirre quēnaro yir̄c̄ja yũ”, yimasiniuju Dios. To bajiro ĩ yir'i ĩ ñaboajaquēne, Melquisedecjua ñamasiñuju, “Quēnaro m̄re yato Dios” Abrahamre yisēnibosagu. ⁷ To bajiri, “‘Quēnaro m̄re yato Dios’ yigujua ñaami ñamasugũ”, yimasiaja mani. Tire

b 7:4 “Gãjerã ĩna ĩsire boca juarã, ĩsirã rētoro ñamasurã ñaama”, yituoiañujarã hebreo masa.

masirã ñari, “Abraham rëtoro ñamasugũ ñamasiñuju Melquisedec”, yimasiaja mani. ⁸ Gajeyere quêne tɔoĩaña mɔa. Adirũmuri ñarã paia, Lev'i jānerabatia, manire bajirone bajirearɔarãma ñna quêne. Melquisedecjɔarema, “To cõro bajirocamasiñuju”, yigotibeaja Dios ocare masa ñna ucamasire. To bajiri, “Bajirocabetirimi”, yicõaja mani. ⁹⁻¹⁰ Abraham ñamasir'i, Melquisedere ã ãsirone, ã jānerabatia quêne berojɔ ruyuarona ñari, ñna quêne ãre ãsirãre bajiro yimasiñujarã. To bajiri Lev'i cãti jũnana quêne, Abraham jānerabatia ñari, Melquisedere ã ãsirone, ñna quêne ãsimasiñujarã. To bajiri, “Lev'i cãtijũnana rëtoro ñamasugũ ñamasiñumi Melquisedec”, yimasiaja mani.

¹¹ “Lev'i jānerabatia ñarɔarãma paia”, yimasiñuju Dios. Sĩgũ Lev'i jānami ñamasiñuju Aarõn vãme cãtigɔ, paia ɔjɔ ñamasugũ, Dios ã cũɔomasir'i. To bajiri Aarõn, Lev'i jānami ã ñajare, “Aarõn rëtoro ñamasugũ ñamasiñuju Melquisedec”, yimasi-aja mani. Lev'i jānami Aarõn, ñna jānerabatia quêne, Diore rũcɔbɔorã masa ñna ãsisere ãnare yibosarimasa ñnacoadimasiñujarã ñna. Tire boca juacõari, Diore rũcɔbɔorã tire soemɔomasiñujarã ñna. “Rojose ñna yise vaja, rojose ãnare yibesa” masare yisẽnibosarimasa ñnacoadimasiñujarã. To bajiro ñna yiboajaquêne, Diojɔa ã ãajama, rojose ñna yire ti ñacõajare, “Rojose mana ñnaama”, ãnare yĩãbetimasiñuju Dios. To bajiro ti bajijare, paia ɔjɔ ñamasugũ Melquisedere bajiro bajigure, ã macure cõañumi Dios, “Masare yirëtobosato” yigɔ. ¹² ãre ã cõaro bero, “Masa rojose ñna yise vaja, rojose ãnare yibesa” yibosarimasa bojabesuju Dios.

To yicōari, Moisére ï roticūmasirere ïna yiboarere quēne bojabesuju. ¹³⁻¹⁴ Adigodoju manire bajiro rujū caticōari ruyuyaju mani ujū Cristo, Judá ñamasir'i cūtijūnagu. To bajiboarine, Judá jānerabatiarema “Paia ñabetiruarāma”, yimasīñuju Moisés ñamasir'i. To bajiri, Cristo rījorojūre Judá jānerabatiama, sīgūjūane paia ñabetimasīñujarā.

¹⁵⁻¹⁶ To bajiri, “Lev'i jānerabatia rīne paia ñaruarāma” Dios ï yimasire yigū me, paia ujū Melquisedere bajiro bajiyumi Cristo. Tudicaticōari, rijabetirocū ñari, bajiyumi. To bajiro bajirocū ñari, “Paia ujū ñamasugū Melquisedere bajiro bajiyumi Cristo”, yimasīaja mani. ¹⁷ Dios ï macūre ado bajiro ï gotirotire masa ïna ucamasire ti ñajare, “Paia ujū ñamasugū Melquisedere bajiro bajicōa ñarūcūmi Cristo”, ïre yimasīaja mani:

““Rojose ïna yisere ïnare masirioya”, ïnare yisēnibosa tūjabetirocū ñaja mū' mūre yaja yū. ‘Paia ujū ñamasugū Melquisedec ï bajimasicatore bajiro bajīñarūcūja mū' ïre yigoti yumi Dios, ï macūre”, yaja ti Dios ocare masa ïna ucamasire.

¹⁸ Dios, Moisére ï roticūmasiriaro cōrone ïna cūdijeocōabojajuquēne, “Rojose mana ñaama”, ïnare yīābetiborimi Dios. To bajiri Moisére Dios ï roticūmasire, vaja manire bajiro bajiyuja ti. ¹⁹ To bajiro ti bajijare, Moisére ï roticūmasire vasoayuju Dios. Mame ï vasoarejūama, ado bajiro bajīaja: Manire Cristo ï rijabosare sūorine, “‘Rojose mana ñaama’ manire yīāgūmi Dios” yimasīrā ñari, variquēnase rāca ïre sēnirūgūaja mani. To bajiro ti bajijare, “Tirūmūaye Moisére Dios ï roticūmasire

rētoro quēnase ñaja adirodoriaye”, yimasiaja mani.

²⁰⁻²¹ To bajiri, i macu Cristore, “Paia ujarã rētoro ñamasugũ ñarucuja mu” yigu, ado bajiro ire yiyuju: “Mure socabeaja yu. “Rojose ña yisere ñare masirioya”, ñare yisēnibosa tujabetirocu ñaja mu’, mure yaja yu”, ire yiyuju Dios, i macure.

Gãjerãrema “Paia ujarã ñaruarãja muu” yigu ñaboarine, ti ũnire yibetimasinuju Dios. ²² Tire mani ajiama, “Jesucristo surine Dios i gotiriarore bajirone quēnaro manire yirucumi”, yimasiaja mani. ²³ Tirũmuaye Moisére Dios i roticũmasire rucuborã, jãjarã paia ñamasiñujarã. To bajicõari, ña bajireajaquēne, ñare moavasoarona jãjarã ñarũgũmasiñujarã. ²⁴ To bajiboarine, Cristojũrema, tudirijabetirocu i ñajare, “Ire moavasoarocu magũmi”, yimasiaja mani. ²⁵ “Jesucristo surine Diore ajitirũnarãre, rojose ña yisere ‘Masirioato Dios’ yigu, Dios i ñaroju, ñare sēnibosacõa ñarũgũgũmi, tudirijabetirocu ñari”, yimasiaja mani.

²⁶ To bajiri tirũmuju paia ujarã ña yisoadimasire ũnire yigu, Cristo quēne rojose mani yisere “Masirioato Dios”, manire yisēnibosarũgũgũ ñagũmi. Cristo ñañumi masa rojose ña yirore bajiro yibecu. Quēnase rĩne yigu ñañumi. To bajiro bajir'i i ñajare, Dios i ñaroju, “Rētoro ñamasugũ ñarucuja mu” Dios i yir'i ñagũmi. ²⁷ Paia ujarã ñamasurã ña yimasiriarore bajiro yigu me ñagũmi Cristo. Ñajuama, tocãrãcarũmane vaibucurãre slacõari, soemomasiñujarã, “Rojose yu yisere masirioya” Diore yirã. To yicõari, ña yarãre quēne rojose ña yirere “Iñare masirioya

Dios”, ĩnare yisēnibosarũgũmasiñujarã ĩna. To bajiboarine, Jesũjama, mani jedirorene cojojine rijabosayumi, rojose mani yisere “Masirioato Dios” yigũ. ²⁸ Moisére Dios ĩ roticũmasire, “Paia ɯjarã ñamasurã ñarɯarãma” ĩ yire ti ñaboajaquēne, manire bajirone ĩna quēne tire ɯdijeobetiriarã ĩna ñajare, “Rojose mana ñaama”, yĩľabetimasiñuju Dios. To bajiboarine ĩ macɯjarema, quēnase rĩne yir'i ĩ ñajare, “ ‘Rojose ĩna yisere masirioya mɯ’ ĩnare yisēnibosacõa ñarũgũrocɯ ñaja mɯ”, ĩre yiyuju.

8

“Cristo, õ vecajɯ manire sēnibosa ñagũmi”, yire queti

¹ “To bajirone bajigumi Cristo, õ vecajɯ Diorãca ĩ rotiñarojɯ”, mɯare yaja yɯ. ² Tojɯre ejacõari, “Rojose mani yisere masirioya”, manire yibosa ñagũmi Cristo, Dios ĩ bɯariavijɯre.

³ Tocãrãcɯ paia ɯjarã ñamasurã ado bajiro yiyuma: Rojose masa ĩna yisere, “ĩnare masirioya Dios”, yisēnibosayujarã ĩna. To yicõari, Diore rãcɯbɯorã masa ĩna ĩsisere boca juacõari, ĩnare yibosayujarã. To bajiro ĩna yire ũnirene yigũ, Cristojama, manire rijabosayumi, rojose mani yisere manire yirētosagũ. ⁴ Yucuri ñarã paia, Moisére Dios ĩ roticũmasiriarore bajirone yicõa ñarãma. To bajiri Cristo, adigodojɯ ĩ ñacõajama, ĩnare bajiro yibecɯ ĩ ñajare, “Pai me ñaami”, ĩre yiborãja mani. To bajiboarine, õ vecajɯ Dios ĩ ñarojɯ, “ ‘Rojose ĩna yisere masirioya’ manire yibosagũ ñagũmi”, yimasiaja mani. ⁵ “Mani rãca ñagũmi Dios” masa ĩna yirũcɯbɯorotivire

Moisés ñamasir'i ĩ buarotiroto rĩjoro, ado bajiro ĩre yimasiñumi Dios: “Gũtaũ joejũ mũre yũ ĩocativire bajirivine buarotiya”, yimasiñuju Dios, Moisés ñamasir'ire. To bajiri, “Mani rãca ñagũmi Dios” masa ĩna yirũcũbuorivire ĩna buajama, Moisére Dios ĩ ĩomasiriavire bajirivine buamasiñujarã. ⁶ Paia ujarã ñamasurã Dios ĩ rotimasire cũdimasiriarã ĩna yirũgũmasire rẽtoro quẽnaro manire yibosarũgũgũmi Cristo. To bajiri, “‘Quẽnaro mũare yirũcũja yũ’ Moisére Dios ĩ yicũmasire rẽtoro quẽnase ñaja adirodoriaye”, yimasiaja mani.

⁷ Moisére Dios ĩ yicũmasire rẽmojũne quẽnase ti ñacõajama, gajeye mamejũare vasoabetiborimi Dios. ⁸ Moisére Dios roticũmasire masa ĩna cũdijeobetijare, ĩavariquẽnabetimasiñuju Dios. To bajiri, “Ado bajiro ĩnare gotiya”, yimasiñuju ĩ:

“Mani uju Dios, ado bajiro mũare gotiami: ‘Quẽnaro ajiya mũa. Cojorũmũ mame mũare vasoabosarũcũja yũ, Israel vãme cũi sitanare, Judá vãme cũi sitanare’, mũare yami.

⁹ ‘Egipto sitaju ñarãre Israel sitajũa ĩnare ũmato vacũ, quẽnaro ĩnare gotiboacaju yũ. To bajiboarine, yũ yicatore bajiro ĩna cũdibetijare, “Yũ yarã me ñaama”, ĩnare yicaju yũ. To bajiri, mame yũ vasoarotijũama, mũa ñicũare yũ gotimasicatore bajiro me bajirũaroja’ mũare yami Dios mani uju.

¹⁰ ‘To bajiri, Israel ñamasir'i jãnerabatiare mame yũ vasoaroti, ado bajiro bajirũaroja: “Yũ masiswa sũorine yũ rotisere tũoĩamasirũarãma”, ĩnare yirũcũja yũ. To bajiro yũ yisere bojarã

ñari, quēnaro yirũgũrũarãma. To yicõari, yũ sĩgũne ãna uju ãna yirũcũbuogũ ñarucũja yũ. To bajiri ãnajuã quēne yũ yarã ñarũarãma' mũare yami Dios.

11 'Yũ yarã ñari, rĩamasa quēne, bucurã quēne, ãna ñaro cõrone, yũre masijedicoarũarãma ãna. To bajiri, "Ado bajiro tũoĩagũ ñaami Dios", gãmerã yimasiorã manirũarãma', mũare yami Dios.

12 'Inare ãamaicõari, rojose ãna yisere yũ masiri-ojama, "Rojose yiriarã ñaama", juãji ãnare yitũoĩabetirucũja yũ. To bajiro ãnare yũ yiroti ti ñajare, yũre quēnaro masirũarãma ãna' mũare yami Dios", yimasiñuju, Diore gotirẽtobosamasir'i.

13 "Mame oca quēnase vasoarucũja" Dios ã yijama, tirũmũju ã yimasiboarere reagu yigũmi. To bajiri, "Tirũmũajejũma vaja manoja", yimasiaja mani.

9

"Cristo, quēnaro manire yibosagũmi" yire queti

1 "Adigodoju ñarã yũre rũcũbuorã mũã rẽjarotivire mũã buasere bojaja yũ", Moisés ñamasir'ire ãre yimasiñuju Dios. 2 To bajiri ã rotiriavire bajirone buamasiñujarã ãna. Ti vi gũdarecore sudirone yotoriavi ñamasiniuju. To bajiri, ejasũoriasõa Diore rũcũbuoriasõa vãme cutimasiñuju. Tisõaju sũabusuriabajari jeoriaju ñamasiniuju ti. To yicõari, Diore ãsiroti pan jesariju quēne ñamasiniuju. 3 Gajesõa, Dios ã ñarisõa vãme cutimasiñuju. 4 Tisõajure, ñamasiniuju Diore rũcũbuorã, ãna soejama, quēnaro sutiquēnase soemũoriaju.

“Dios ĩ ñari sōagajũ ñaja” ĩna yiboajaquēne, ejasũoriasōajũarene ñacōamasiñuju ti. To bajicōari, Dios ĩ ñarisōajũre ñamasiñuju rujajata orone ĩna quēnorajata. “Dios ĩ rotirere cūdiroti ñaja” yirā, ĩna quēnorajata ñamasiñuju. Tijatajũre adocārāca vāme sãñamasiñuju: Orone ĩna quēnorā sotũ sãñamasiñuju. Ti sotũjũre bare maná vāme cūti Dios ĩ cōare sãñamasiñuju. To bajicōari, Aarón ĩ tuemasir'i quēne ācatuar'i sãñamasiñuju. To bajicōari, jũajāi gũtajāi Dios ĩ rotimasire ĩ ucamasiriajāiri quēne sãñamasiñuju. ⁵ Tijata joere rũgōmasiñujarā Diorācana vũrā querubines vāme cūtirāre bajirā masa ĩna quēnomasiriarā. ĩna ñamasiñujarā, “Adijũ ñaja masa rojose ĩna yisere Dios ĩ masiriorijũ” yigotirā. ĩna querũjuri rāca gāmerā ñucānamucōari, rũgōmasiñujarā ĩna. Yucũrema ti viaye bũto gotire maja ti.

⁶ To bajiboarine, Diore rũcũbũoroti ti ñajedicōajare, tocārācarũmũne Diore rũcũbũorā sãjajarũgũmasiñujarā paia, ñasũorisōare. ⁷ Paia uju ñamasugũ rĩne jãjarũgũmasiñuju, Dios ĩ ñarisōa vāme cūti sōajũre. Tocārāca cũmare cojojine jãjamasiñuju. Jãjacōari, ĩ masu rojose ĩ yirũgũrere, to yicōari, ĩ ñarimacana, “Rojose yirā yaja yũ” yitũoĩamenane, “Rojose yũ yirũgũrere masiriobosato Dios” yigũ, vaibũcũrā ri'ire juajãjarũgũmasiñuju. ⁸ “Paia uju ñamasugũ rĩne Dios ĩ ñarisōare jãjamasiami”, yimasĩñujarā. Tire ĩna tũoĩajama, Esp'iritu Santo ĩ ejarēmose rāca, ado bajirojũ yimasĩñujarā ĩna: “ ‘Mani masune rojose mani yisere yũare masirioya’, Diore yimasibeaja. ‘Paia uju ñamasugũ rĩne manire sēnibosagũ ñaami’ yimasiaja mani.

To bajiro rīne bajicōa ñaruarāja mani maji. Dios manire ī sājarotirūm̄ ti ejaroj̄m̄ tisōare jājaruarāja mani”, yimasiñujarā ĩna. ⁹ “Mani ñicua Dios ī rotimasirere ĩna ajitirūnarūgūmasire rētoro quēnamasuse ñaja’ mani yit̄oīamasirotire yiro bajiyuja”, yimasiaja mani. “Mani ñicua, tirūm̄j̄m̄ ĩna yirūgūmasiriarore bajirone mani quēne, rojose mani yisere, ‘Manire masirioato Dios’ yirā, paire mani soem̄oroticōa ñajama, Dioj̄m̄ ī ĩajama, ‘Rojose maja ĩnare’ manire yiābeticōa ñagūmi”, yimasiaja mani. ¹⁰ Tirūm̄j̄m̄ye Dios ī rotimasire ado bajiro bajiyuja: “Adocārāca vāme baruarāja m̄m̄. Gajeyerema babetiruarāja m̄m̄”, ĩnare yimasiñumi. To yicōari, ĩna idirotire, ĩna guarotire, ĩna āmo coerotire quēne to bajirone yimasiñumi. To bajiro ī yijama, ti ñajediro ī rotimasire mamej̄m̄ ī vasoaroto rījororema, ĩna ruj̄m̄re ĩna ĩatirūnaroti rīne yiḡm̄ yiyumi Dios.

¹¹ To bajiro ī yimasire ti ñajare, yuc̄rema, “Cristo s̄orine quēnaro yir̄c̄j̄m̄ ȳm̄” Dios ī yiri-
arodo ejayuja ti. To bajiro ī yire ñajare, Cristo manire rijabosacōari, ō vecaj̄m̄ Dios ya vij̄m̄ ñagū vasuju. Ti vij̄m̄ ñacōari, paia m̄j̄m̄ ñamasugū ī sēnibosarore bajiro, “Quēnaro ñato ĩna” yiḡm̄, manire sēnibosa ñagūmi. To bajiro ī yiñarivima, adigodo ñarā Diore r̄uc̄b̄orā ĩna buariavi rētoro quēnarivi ñaroja. ¹² To bajiri Dios ī ñarisōaj̄m̄ jājacōari, cabra rīa rī’i, ta vec̄m̄ rīa rī’i adigodoj̄m̄ ñarā paia m̄jarā Diore ĩna ĩsiriarore bajiro yir̄m̄ me, ĩj̄m̄ama, ī ruj̄m̄ rise s̄orine rojose mani yire vajare cojojine yirētobosajeoc̄ar̄m̄, ō vecaj̄m̄ Dios ī ñarisōaj̄m̄ jājasuju Cristo. ¹³ Ado bajiro gotiaja Dios ī rotimasire: “Bajirocar’ire moābeticuarāja m̄m̄. To yicōari, ‘Ba-

betiruarãja mña' yu yisere quêne moãabetiruarãja. To bajiro yu yisere mña cudibetijama, yure ña rucubhorivire sãjabetiruarãja mña. To bajiboarine, ta vecu macure ña soese rĩtire, oco rãca abavore ñasere mñare yayeturucumi pai. Tire ĩ yibetijama, hisopo vãme cuti ruju rãca vaibucu ri'ine mñare vëjabate gurucumi. To bajiro mñare ĩ yijama, yure rucubhorivire sãjamasiruarãja mña", yimasiñumi Dios. ¹⁴ "Vaibucurã ri'ine mñare ĩ yayeguojama yure rucubhorivire sãjamasiruarãja mña" Dios ĩ yimasire ti ñaboajaquêne, "Cristo manire ĩ rijabosarejua rëtoro quëñase ñañuja", yimasiaja mani. Rojose yibetir'i ñari, to bajiro bajiyumi Cristo. Esp'iritu Santo ñacõa ñarũgũrocu ĩ ejarëmojare. Cristo manire ĩ rijabosare suorine, rojose mani yisere masirioyumi Dios. To bajiri, "Rojose maja manire", yituoĩaja mani. To bajiro yituoĩacõari, ñacõa ñarũgũrocu Dios ĩ bojarore bajiro quënaroyirũgũroti ñaja manire.

¹⁵ " 'Mame mñare vasoarucija yu' ĩ yiriarore bajirone bajiato" yigũ, adi macarucurojure Cristore cõañumi Dios. To bajiro ĩ yicõar'i ñari, tirũmñaye ajirucubhoriarãre quêne rojose mani yisere "Masirioato Dios" yigũ, manire rijabosayumi Cristo. To bajicõari, ĩ rijabosare suorine "Yu yarã ñaama" Dios manire ĩ yĩarotire yigũ, bajiyumi. To bajiro ĩ bajibosariarã mani ñajare, "Quënaroyirucija" Dios ĩ yiriarore bajirone yigũ, mani rijato beroju ĩ rãca mani caticõa ñarotire ĩsiecrona ñaja mani. ¹⁶ Ado bajise tuoĩañã mña: Mani yu, ĩ bajiyayiroto rĩjoro, "Ĩne ñaami yu ye gajeyeũni cõosnyarocũ", yigũmi. To bajiro ĩ yir'i

ñari, ì bajirocato bero, ì yere cʉosʉyagʉmi. 17 Ì caticõa ñajama, ì masune cʉocõa ñagʉmi maji. Ì rijato bero, tire cʉomasigʉmi gājjjua. To bajiri, “Ì gotiriarore bajirone bajiaja”, yimasire ñaja. 18 To bajirone bajimasiñuju, “Quēnaro yirʉcʉja yʉ” Dios ì yimasirere quēne. “Dios manire ì gotiriarore bajirone yato” yirā, vaibʉcʉrāre sīamasiñujarā. 19 Dios Moisés ñamasir'ire ì roticūmasire ñaro cõrone masa jedirore ñnare gotimasiñuju. Tire ì gotiro bero, oveja joa ñna sūorere, hisopo vāme cʉti rʉjʉjʉ siatucõari, vaibʉcʉrā cebra vāme cʉtirā rīare, ta vecʉ rīare ñna sīariarā ri'ire juacõari, oco rāca ñna vʉorere yosemasiñuju. To yicõari, Dios ì rotimasire Moisés ì ucarijotire vējabate gumasiñuju ì. To yicõari, masa ñajedirore quēne to bajirone yimasiñuju. 20 To bajiro yicõari, masare ado bajiro gotimasiñuju ì: “Dios mʉare ì yirotisere cʉdiroti ñaja”, yimasiñuju Moisés ñamasir'i, mani ñicʉare. 21 “Mani rāca ñagʉmi Dios” ñna yirʉcʉbʉorivire quēne ri'ine vējabate gumasiñuju Moisés. To yicõari, ti viaye ñase jedirore, to bajiro yimasiñuju. 22 To bajiro Dios ì rotimasire ñajare, vaibʉcʉ ñna sīar'i ri'ine vējabate gumasiñujarā ñna. To bajiro ñna yibetijama, ñnare ñavariquēnabetiborimi Dios. To bajirone bajiyuja Cristore quēne. Ìre ñna sīaro, ì ri'i ti budibetijama, “Rojose mani yisere masiriobetiborimi Dios”, yimasiaja mani.

“Cristo ì rijabosare sʉorine, ‘Rojose mana ñaama’ manire yīañumi Dios”, yire queti

23 To bajiri, Diore yirʉcʉbʉoriavijʉ ñna sājaroto rījoro, ñna rʉjʉre ñna ye gajeyeñire quēne,

vaibucurã ri'ine yayebate gurotiyujarã mani ñicua. To bajiro yiroticõari, sãjarũgũmasiñujarã ñina. To bajiro ñina yijama, õ vecajũ ñina bajiroti ùnire yirã bajimasiñujarã ñina. To bajiboarine tojũama Dios ye masu ti ñajare, vaibucu ri'i ñina yayebate gurotire ùnirene yiro, rẽtoro quẽnagũ ñ rijabosasere bojayuja. To bajiri, manire ñ rijabosare ti ñajare, “Rojose mana ñacõari, Dios ya vijũ sãjaruarãja mani”, yimasire ñaja. ²⁴ Cristo, manire rijabosacõari bero, tudicaticõari, adi macarucurojũ Diore rucubũoruarã, masa ñina buariavi mere, õ vecagavi Dios ya vijũare sãjasuju Cristo. To bajiri, ti vijũ ñacõari, “Quẽnaro ñato ñina” yigũ, manire sãnibosacõa ñarũgũami. ²⁵ Paia ujũ ñamasugũ adigodoagũma, tocãrãca cãmare cojojine, Dios ñ ñarisõa vãme cuti sõare jãjarũgũmasiñuju, vaibucu ñ sãr'i ri'ire “Masa rojose ñina yisere masirioya Dios”, ñinare yibosagũ. To bajiboarine Cristojũama, õ vecajũ Dios ñ ñarojũre ejacõari, adigodoagũ paia ujũ ñ yimasiriarore bajiro yirũ me, bajiyumi. Ñ masu rujũ ri'i suorine yirẽtobosacõari, Dios ñ ñarisõajũre jãjasuju. ²⁶ Adigodoagũ paia ujũ ñamasugũ tocãrãca cãmame “Masa rojose ñina yisere, masirioya Dios”, ñinare yibosarũgũñuju ñ. Cristo quẽne, paia ujũ ñ yirũgũmasiriarore bajiro ñ bajijama, adi macarucuro Dios ñ rujeorijũjũne, cojoji me manire rijabosacõa suoadiborimi. To bajiro me bajiyumi Cristo. Cojojine manire rijabosayumi, “Rojose mana ñaama” manire Dios ñ yĩarotire yigũ. ²⁷ Mani jediro cojojine bajirearona ñaja mani. Mani bajirearo bero, ñ tũjũ mani ejato, rojose yirãre, to yicõari quẽnase yirãre ñabeserucumi

Dios. ²⁸ Cojojine manire ï rijabosare ñajare, jãjarã ñaja mani rojose yibetiriarãre bajiro bajirã. Quëna Cristo, ï tudiejajama, “Rojose mani yisere masirioato Dios” yigũ, me ejarũcũmi. “Manire rijabosayumi” yitũoïarãjũare juagũagũ bajirũcũmi.

10

¹ Moisés ñamasir'ire Dios ï roticũmasirejũama, “Rojose ñna yisere ñnare masiriojeorũcũja yũ”, ï yire me ñañuja. Berojũ bajirotire baji rĩjoro cõtise ñañuja. To bajiro bajijare, tocãrãca cãmene vaibũcũrãre sĩacõari, “Rojose yũa yisere yũare masirioato Dios” yirã ñna soemũorotiboajaquëne, “Rojose mana ñnaama”, ñnare yĩabesuju Dios.

² Vaibũcũrã ñna soemũorotise sũorine, “Rojose mana ñnaama” rëmojũne Dios ï yĩacõajama, “Tudi rojose yũa yisere masirioato Dios”, yibetiboriarãma. ³ Vaibũcũrã rii ñna soemũorũgũse tocãrãca cãmene rojose ñna yirũgũrere tũoïarotire yiro bajiaja. ⁴ Vaibũcũrã rii ñna soemũosema rojose masa ñna yisere, masiriose me ñaja.

⁵ Vaibũcũrã ri'i, ñna soemũoboajaquëne, rojose ñna yisere Dios ï masiriobetijare, adi macarũcũrojũre ï vadiroto rĩjoro, ado bajiro Diore gotiyuju Cristo:

“Masa vaibũcũ rii ñna soemũosere bojabeaja mũ.
To bajiri, ‘Masare bajiro ruju cõtigu ñato’
yigu, yũre cõañna mũ.

⁶ ‘Rojose mani yisere masirioato Dios’ yirã, vaibũcũ rii ñna soemũorotiboasere quëne ñavariquëñabeaja mũ.

⁷ To bajiri, ado bajiro mũre yaja yũ: ‘Adone ñaja yũ. Mũ bojasere yirũ masa tũju vacũ yaja.

“To bajiro bajirucami” m̄u ocare masa ñna yiuacatore bajirone yir̄u, bajaiaja’ ”, Diore ñre yiyuju Cristo, masare ñ rijabosarotire yiḡu.

⁸ Quēna, tirene m̄uare gotiaja yu. “‘Rojose mani yisere masirioato Dios’ yir̄a, vaibuc̄u rii ñna soem̄orotiboasere ñavariquēnabeaja m̄u, m̄u roticūcati ti ñaboajaquēne”, Diore yiyuju Cristo.

⁹ Quēna ado bajise yiyuju Cristo: “M̄u bojasere yir̄u masa t̄uj̄u vac̄u yaja yu”, ñre yiyuju. To bajiro ñ yijama, ado bajiro ñre yiḡu yiyuju: “Tir̄um̄uj̄u Moisére m̄u roticūcatire yit̄uj̄ac̄ōari, mamej̄uare masa ñna ajise s̄uori quēnaro ñnare m̄u yibosarotire bojaḡu bajaiaja yu”, ñre yiyuju. ¹⁰ To bajiri Dios ñ rotiriarore bajirone yiḡu, cojojine manire rijabosayumi. To bajiro ñ bajire ñajare, rojose mani yisere masirioc̄ōari, “Rojose mana ñaama”, manire yīñaḡumi Dios.

¹¹ Jud'io masa, paia, tocār̄acar̄um̄urine ñna ye moare ñajare, “Rojose ñna yisere masirioato Dios” yir̄a, cojoji me vaibuc̄ur̄a riire soem̄orūḡur̄ama ñna. To bajiro ñna yiboajaquēne, rojose ñna yisere, masiriose me ñaja. To bajiri rojose ñna yisere masiriobec̄umi Dios.

¹² Jesucristo, cojojine manire rijabosac̄ōari bero, rojose mani yisere yir̄etobosajeoc̄ōaḡu ñari, Dios ñ rotiñaroju r̄uc̄ub̄oriaj̄are ruj̄iyuju ñ. ¹³ “M̄uare ter̄a ñajediro rotiḡu ñar̄uc̄aja m̄u”, yiyuju Dios. To bajiri,

“To bajiro yir̄uc̄aja” Dios ñ yirere yuñaḡumi Cristo. ¹⁴ To bajiri, Cristo cojojine manire ñ rijabosare ñajare, “Rojose mana ñaama”, manire yīñaḡumi Dios. To bajiro ñ yijare, “Ñajediro rojose mani yirere, mani yirotire quēne, manire

yirētobosajeocōañumi Cristo”, yimasiaja mani.

¹⁵ Dios ocare masa ñna ucamasire s̄uorine ado bajise manire gotiami Esp'iritu Santo:

¹⁶ “To bajiri, ñnare mame ȳu vasoaroti, ado bajiro bajir̄uaroja: “Ȳu masise s̄uorine ȳu rotisere t̄uōĩamasir̄uarãma”, ñnare yir̄uc̄uja ȳu. To bajiro ȳu yisere bojarã ñnari, quēnaro yir̄üḡur̄uarãma’, yami Dios mani ūj̄u.

¹⁷ Ñnare ñamaicōari, rojose ñna yisere ȳu masiriojama, “Rojose yiriarã ñnaama”, j̄uaji ñnare yit̄uōĩabetir̄uc̄uja ȳu’, yami Dios”, yigotiaja Dios ocare masa ñna ucamasire.

¹⁸ To bajiri rojose mani yisere Cristo manire ñ yirētobosajeore ti ñajare, rojose mani yisere tudit̄uōĩabetir̄uc̄umi Dios. To bajiri, no yirã vaib̄uc̄u riire soem̄uomenaja mani.

“Diore quēnaro ajitir̄uñ̄ur̄üḡur̄uarãja mani”, yire queti

¹⁹ To bajiri, Jesús, manire rijabosacōari, rojose mani yisere yirētobosar'i ñnari, õ vecaj̄u manire sēnibosa ñnaḡumi. To bajiri güimenane Diore sēnito mani. ²⁰ Tir̄um̄uj̄ama Diore yir̄uc̄ub̄uoriavij̄u sudigasero yotoriaro ñañuju ti, “ ‘Dios ñ ñarisõa’ vãme cuti sõare jãjamasibeamã masa” yĩõorij̄u. To bajiro ti bajijare, ñna masune Diore sēnimasimena ñnari, paia ūj̄u ñ sēnibosasere bojar̄üḡumasiñujarã ñna. Yuc̄urema Cristo manire ñ rijabosare ti ñajare, no mani bojarij̄une mani masune Diore sēnimasiaja mani. ²¹ Cristo s̄iḡüne ñnaḡumi ñamasuḡu manire sēnibosaḡu. To bajiro yĩñaḡumi õ vecaj̄u Dios ya vij̄u ñnacōari. ²² To bajiri, tocãrãc̄ajine, “Ñ bojarore bajirone yir̄uaja” yirã, Diore sēnir̄üḡur̄uarãja mani.

“Cristo s̄orine manire ĩavariquēnagūmi Dios” yit̄oĩa t̄ujamenane ĩre s̄enirūgūr̄uarāja mani. To bajiro ĩre yis̄enirāne, “Rojose ñaja manire”, yit̄oĩabetir̄uarāja mani, Dios, “Rojose mana ñaama” manire ĩ yĩañajare. “Manire rijabosayumi Jesús” yirā, oco rāca ĩna bautizacana ñaja mani. ²³ Cristo oca mani bues̄ocatiŕe ajitir̄un̄u t̄ujabetir̄uarāja mani. “Quēnaro m̄are yir̄uc̄ija” Dios manire ĩ yirere t̄oĩat̄ujabetir̄uarāja mani, “Yir̄uc̄ija” ĩ yirore bajiro yiḡu ĩ ñajare. ²⁴ Mani rācanare ĩamaicōari, quēnaro gotir̄uarāja mani, “Ĭna quēne gājerāre ĩamaicōari, variquēnase rāca ĩnare ejarēmoato” yirā. ²⁵ Cristore ajitir̄un̄rā ñari, rējarūgūr̄oti ñaja, manire. Gājerā rējarūgūr̄oariā ĩna rējat̄ujarore bajiro bajibetir̄oti ñaja, manire. Rējacōari, “Cristore ĩre ajitir̄un̄u t̄ujamenasa” yirā, quēnaro gāmerā gotir̄ūgūr̄uarāja mani, “Yoaro me ejar̄aroja rojose yirāre Dios ĩ ĩabeserir̄um̄” yimasirā ñari.

²⁶ Cristo ocare masiriarā ñaboarine, tire ajitir̄un̄u t̄ujacōari, rojosej̄are mani yicōa ñajama, manire yir̄etobosabetir̄uc̄umi Cristo. ²⁷ To bajiri, rojose manire ĩ yirotere t̄oĩagūr̄iā rīne, Dios masare ĩ ĩabeserir̄um̄ ti ejar̄o, “Ȳua ũj̄u me ñaja m̄” ĩre yirā rāca rojose t̄am̄ot̄ujabetir̄iaroju vaborāja mani. ²⁸ Tir̄um̄ju Dios ĩ rotimasirere sīgū tire ĩ c̄udibetijama, ado bajiro bajimasiñuju: Juarā ñacōari, “Rojose yimi” ĩre yirā ĩna ñajama, ĩre ĩamaimenane, Dios ĩ rotiriarore bajirone yirā, ĩre s̄īamasiñujarā ĩna. ²⁹ To bajiro bajimasire ti ñajare, yuc̄rema mame ĩ vasoarere ajitir̄un̄riarā ñaboarine, “Dios mac̄u me ñarimi Jesús; manire

rijabosabetirimi” ñna yijama, ñnare maigũ Esp'iritu Santore rojose ñagõrã yirãma. To bajiri bũto rojose tãmuoruarãma. “Manire rijabosabetirimi Jesús” ñna yise ti ñaboajaquẽne, ñ rijabosare suorine, “Rojose ñna yisere masiriocõari, quẽnaro yirucaja yũ” masare Dios ñ yimasiriarore bajirone bajiyuja. ³⁰ Rojose ñna yise vaja bũto rojose ñna tãmuorotire masiaja mani, Dios ado bajiro ñ gotirere masa ñna ucamasire ti ñajare: “Yũne ñaja masa rojose ñna yise vaja rojose ñnare yirocũ. Yũ sũgũne riojo tire yimasigũ ñaja yũ”, yigotiaja. Gajeye quẽne, ado bajise gotimasĩnumi Dios: “Yũ ñaja yũ yarã rojose ñna yijama, ñnare rojose yirocũ”, yigotimasĩnumi Dios. ³¹ Caticõa ñarũgũrocũ, Dios, rojose yirãre ñajũnisinicõari, rojose ñnare ñ yiroti, gũiose masu ñnarũaroja ti.

³² Dios ñ ejarẽmose rãca Cristore mũa ajitirũnu suocatire tũoĩamasĩña mũa. Ñre ajitirũnrã mũa ñajare, gãjerã cojoji me mũare rojose yicama ñna. To bajiro mũare ñna yiboajaquẽne, ñre ajitirũncõa ñarũgũcaju mũa. ³³ Masa ñna ñaro rĩjorojuã mũare ajatud'icama ñna. To yicõari, mũa babarãre ñna ajatud'iro ñacõari, “Yũa rãcana ñaama”, ñnare yĩĩamaicaju mũa. ³⁴ Cristore ajitirũnrãre ñna tubiberiarãre quẽne, “Yũa rãcana ñaama”, ñnare yĩĩamaicaju mũa. To bajiro yirã mũa ñajare, rojose mũare yicama gãjerã. Cristore ajitirũncana mũa ñajare, gãjerã mũa tũju ejacõari, mũa gajeyeũnire ãmacama ñna. To ñna yiboajaquẽne, Cristore ajitirũnrã ñari, “Dios ñ gotiriarore bajirone, ñna ãmase rẽtoro quẽnase ñacõa ñarotire bũjaruarãja mani, Dios ñ ñarõjuã”, yivariquẽnacaju mũa. ³⁵ To bajiro

mua yituoĩacatore bajirone bajiruaroja. To bajiri, Cristore ĩre ajitirũnu tujabetiruarãja mua. ³⁶ Rojose tãmuoboarine, ĩre ajitirũncõa ñaña mua. To bajiro mua bajijama, Dios ĩ bojarore bajiro yiriarã mua ñajare, Dios ĩ gotiriarore bajirone õ vecaju quẽnaro muare yirucumi. ³⁷ To bajiro bajiroti ti ñajare, ado bajiro gotiaja Dios ocare masa ĩna ucamasire:

“Yũ cõarocũ Cristo yoaro meaca ejarucumi. ‘To cõrone ejarucuja mũ’ yũ yiroticatore bajirone ejarucumi.

³⁸ ‘Rojose magũ ñaami’ yũ yĩavariquẽnagũ, ‘Ĩ yirore bajiro yigu ñagũmi’ yũre yituoĩagũ ñari, bajirocacõari bero yũ tujũ quẽnaro ñacõa ñarũgũrocũ ñagũmi. To bajiboarine, yũre ajitirũnu tujagurema, ĩre ĩaquẽnabetirucuja yũ”, yigotiaja Dios ocare masa ĩna ucamasire.

³⁹ To bajise Dios ĩ gotimasire ti ñaboajaquẽne, manijũama, Cristore ĩre ajitirũnu tujarona me ñaja mani. To bajiri, “Manire rijabosayumi Cristo” yituoĩarã ñari, rojose tãmuotujabetiriaroju vabeticõari, Dios tujũ quẽnaro ñacõa ñarũgũrona ñaja mani.

11

Diore mani ajitirũnu tujabetiroti queti

¹ “Ĩ yirore bajiro yigu ñagũmi” Diore ĩre mani yituoĩajama, ado bajiro bajaiaja: “Muare ĩsirucuja yũ” manire ĩ yijama, “Bũjaruarãja mani”, yituoĩaroti ñaja. “To bajiro masu bajaiaja” Dios ĩ yijama, maji tire ĩabetiboarine, “To bajirone bajiroja”, yituoĩaja mani. ² Mani ñicua to bajiro Diore ĩna tũoĩajare, ĩnare ĩavariquẽnamasiñumi Dios.

3 “Ī yiore bajiro yigũ ñagũmi” Diore ĩre yitũoĩarã ñari, ado bajise yimasiaja mani: “ ‘Ruyuyaya’ Dios ĩ yiore bajirone bajimasiñuju, adi macarũcũroaye, õ vecaye quẽne”, yimasiaja mani. To bajiro ĩ yire ti ñajare, ĩ rujeoroto rĩjorojũma, manirũgũmasirere ĩarũgũaja mani, adi macarũcũro ñasere.

4 “Ī yiore bajiro yigũ ñagũmi”, Diore ĩre yitũoĩagũ ñamasiñuju mani ñicũ Abel ñamasir'i. To bajiro Diore tũoĩagũ ñari, ĩre rũcũbũogũ, Dios ĩ bojarore bajiro yigũ, vaĩbũcũre soemũomasĩñuju. To bajiro ĩ yijama, ĩ gagũ Ca'in rẽtoro quẽnaro Diore rũcũbũogũ yimasiñuju. To bajiri, Diojũama, “Rojose magũ ñaami”, ĩre yĩĩamasĩñuju Dios. Abel ñamasir'i tirũmũjũ ĩ bajirocare ti ñaboajaquẽne, ĩ yimasiriarore bajiro mani quẽne Diore mani rũcũbũogũajama, Dios ĩ bojarore bajiro yirũcũbũoroti ñaja manire.

5 “Ī yiore bajiro yigũ ñagũmi”, Diore ĩre yitũoĩagũ ñamasiñuju Enoc ñamasir'i quẽne. To bajiro Diore tũoĩagũ ĩ ñajare, “Yũ bojarore bajiro yigũ ñaami” ĩre yĩĩavariquẽnagũ ñari, ĩ bajirocabetone, ĩre ãmicoamasĩñuju Dios. To bajiri, ĩre bũjabetimasiñujarã masa. To bajirone gotiaja Dios ocare masa ĩna ucamasire. ⁶ Ado bajiro tũoĩarã ñari, Diore sẽnijaia mani: “Dios ñagũmi” yimasicõari, “ ‘Yũre ejarẽmoña’ ĩre yisẽnirãre quẽnaro yami” yitũoĩarã ñari, sẽnijaia mani. To bajiro mani yijama, “Ī yiore bajiro yigũ ñagũmi” Diore yirã yaja. “Ī yiore bajiro yigũ ñagũmi” Diore ĩre mani yitũoĩabetijama, manire ĩavariquẽnabecũmi Dios.

7 “Ī yiore bajiro yigũ ñagũmi”, Diore ĩre

yituoĩagũ ñamasĩñuju Noé ñamasir'i quẽne. Ado bajiro ĩre yimasĩñuju Dios: “Masa ñajedirore ruureajeocõarucija yu. To bajiri, cũmua jairica quẽnoña mu, ‘Rujarobe’ yigũ”, ĩre yimasĩñuju Dios. To bajiro ĩ yijare, bajirotire masibetiboarine, “Ĩ yirore bajiro yigũ ñagũmi” Diore ĩre yituoĩagũ ñari, ĩ gotirore bajirone yigũ, cũmua jairicare quẽnomasiñuju Noé. To bajiri ĩ yarã rãca Noé ĩ rujaborotire ĩnare yirẽtobosamasiñuju Dios. To bajiboarine, gãjerãrema ĩ rãcana ñaboariarãre, “Ĩ yirore bajiro yigũ ñagũmi Dios” yituoĩamena ĩna ñajare, ĩnare yirẽtobosabetimasiñuju Dios. Noéjũarema, “Ĩ yirore bajiro yigũ ñagũmi” yure yituoĩagũ ĩ ñajare, “Yu ĩvari quẽnarã rãcagũ ñaami, ĩ quẽne”, Noére ĩre yimasĩñuju Dios.

⁸ “Ĩ yirore bajiro yigũ ñagũmi”, Diore ĩre yituoĩagũ ñamasĩñuju Abraham quẽne. To bajiri, “Mu ñarimacare to cõrone vaveoya mu. Mu ñaroti sitare mure uõorucija yu”, ĩre yimasĩñuju Dios. “Ĩ yirore bajiro yigũ ñagũmi” Diore ĩre yituoĩagũ ñari, Dios ĩ rotisere ajicõari, vacoamasiñuju ĩ, ĩ ñarotire masibetiboarine. ⁹ Gãjerã ye sita ti ñaboajaquẽne, “Adi sita mure uõorucija” Dios ĩre ĩ yire ñajare, “Ĩ yirore bajiro yigũ ñagũmi” Diore ĩre yituoĩagũ ñari, cojojũ me viriaca buacõari, ñacudirũgũmasiñuju Abraham. ĩ bajimasiriarore bajirone ñacudimasiñujarã ĩ macũ Isaac, ĩ jãnami Jacob quẽne “Adi sita mure uõorucija yu” Dios ĩnare ĩ yire ñajare. ¹⁰ To bajiboarine, variquẽnagũ ñacudimasiñuju Abraham, “Õ vecajũ Dios ĩ quẽnoría macare quẽnaro ñacõa ñarũgũrucija yu” yituoĩagũ ñari.

11 To bajicōari, Abraham manajo Sara, бꙋсꙋо рѣа magō ñamasiñuju so. Ī quēne бꙋсꙋ ñamasiñuju. To bajiboarine, “Ī goticatore bajirone yirꙋсꙋми Dios” yitꙋoĭagũ ñari, Dios ĩ ejarēmojare, macꙋ сꙋtimasiñujarā ĩna. 12 To bajiri, “Бꙋсꙋасоар'и ñaboarine, macꙋ сꙋticōari, jājarā jānerabatia сꙋтиросꙋ ñamasiñumi. Jājarā ñocoa ñarāre, mani cōĭajeobetore bajiro, to yicōari, jare mani cōĭajeobetore bajiro jājarā jānerabatia сꙋтиросꙋ ñamasiñumi Abraham”, yimasiaja mani.

13 Abraham, Isaac, Jacob quēne, “Ī yirore bajiro yigꙋ ñagũmi”, Diore ĩre yitꙋoĭariarā ñamasiñujarā ĩna, ĩna catiñaro cōrone. Dios ĩ gotiriarore bajiro ĩnare ĩ yibetiboajaquēne, “Ī yirore bajiro yigꙋ ñagũmi”, ĩre yitꙋoĭacōa ñamasiñujarā ĩna. “Yꙋ bajirocaro berojꙋ yꙋre ĩ goticatore bajirone yꙋre yirꙋсꙋми”, yitꙋoĭarā ñamasiñujarā ĩna. To bajiro bajirā ñari, “Mꙋare ꙋjorꙋсꙋja yꙋ” Dios ĩ yire sitajꙋ ñacudiñarā, ti sitanare ado bajise ĩnare gotimasiñujarā ĩna: “Adi sitajꙋre yoaro ñabetirꙋarāja yꙋ”, ĩnare yigotimasiñujarā ĩna. 14 To bajise ĩna yijama, “Gajeye sita ĩna ñacōa ñarotire tꙋoĭarā yiri-arāma ĩna”, yimasiaja mani. 15 ĩna vadiveoria sitare tꙋoĭarā ĩna yijama, quēna ti sitajꙋre ñarā, tudicoaboriarāma ĩna. 16 To bajiro ĩna tꙋoĭajama, ĩna vadiveoria sita tꙋoĭarā me yiyuma. ĩna vadiveoria sita rētoro quēnari sita o vecajꙋ Dios ĩ ñarojꙋ varꙋa tꙋoĭarā yimasiniñujarā ĩna. To bajiro tꙋoĭarā ĩna ñajare, “Yꙋne ñaja ĩna rꙋсꙋбꙋогꙋ; yꙋ yarā ñaama ĩna”, yivariquēnamasiñuju Dios. To bajiro yigꙋ ñari, ĩna ñaroti macare ĩnare quēnobosayumi.

17-18 “¿‘Socꙋ mene ĩ yirore bajiro yigꙋ ñagũmi’

yure yituoïagũ ñati?” yimasiru, ïre rûcubûorã, vaibucure ïna soemûoriarore bajiro yigu, ï macu sîgũ ñagũre sïarotimasiñuju Dios. “Isaac suori jãjarã jãnerabatia cutirucuja mu” Dios ï yire ti ñaboajaquêne, “Mu rotisere yibetirucuja”, yituoïabetimasiñuju. ¹⁹ “Bajireariarãre ïnare tudicatiomasigũ ñagũmi Dios” yituoïagũ ñari, “Yu macure yu sïacõajaquêne, catiocõarucumi” yituoïagũ ñari, ïre ï sïaguadijune, “Ïre sïabeticõaña” Dios ï yijare, ïre sïabetimasiñuju. To bajiro ï yire ti ñajare, “Rijacoaboarine, tudicatigure bajiro ïre ïamasíñuju Abraham”, yimasiaja mani.

²⁰ “Ï yirore bajiro yigu ñagũmi”, Diore ïre yituoïagũ ñamasíñuju Isaac ñamasir'i quêne. To bajiro Diore tuoïagũ ñari, ï rïare ado bajiro ïnare gotimasiñuju, Jacob, Esaúre quêne: “Ï gotiriarore bajirone quênaro mûare yirucumi Dios”, yimasiñuju.

²¹ “Ï yirore bajiro yigu ñagũmi”, Diore ïre yituoïagũ ñamasíñuju Jacob ñamasir'i quêne. To bajiro Diore tuoïagũ ñari, ï bajirocaroto rïjoro, ï macu José rïare, “Quênaro mûare yirucumi Dios”, ïnare yimasiñuju ï. Bucu ñari, rûgõtîmabetiar'i ñaboarine, ï tueriu suorine vûmûrûgõcõari, Diore rûcubûomasíñuju ï.

²² “Ï yirore bajiro yigu ñagũmi”, Diore ïre yituoïagũ ñamasíñuju José ñamasir'i quêne. To bajiro Diore tuoïagũ ñari, ï bajirocaroto rïjoro, ï yarãre Israel ñamasir'i jãnerabatiare ado bajiro ïnare gotimasiñuju: “Adi sita Egipto sitare vaveoruarãma ïna, mûa jãnerabatia. ïna vajama, yu

gõare juacõari, Canaán vãme cuti sitaju yujeruarãma ña”, yimasiñuju.

23 “Í yirore bajiro yigu ñagãmi”, Diore ñre yituoïarã ñamasinujarã Moisés ñamasir'i jacu, ñ jaco quêne. To bajiro Diore tuoïarã ñari, Moisés ñ ruyaro bero, idiarã muijua ñre yayiocuomasiñujarã ña, “Quênagũaca sũcare manire ñsiami Dios” yirã. To bajiri egipcio masa ujũ, Israel ñamasir'i jãnerabatiare rãmasa ãmũare ñ sãrotiboajuquêne, ñre gũimena ñari, ñ rotirore bajiro yibetimasiñujarã ña.

24 “Yirũcũja” ñ yirore bajiro yigu ñagãmi”, Diore ñre yituoïagũ ñamasinuju Moisés ñamasir'i quêne. To bajiro tuoïagũ ñari, bucucacu, Egipto sita ujũ maco so masor'i ñaboarine, “Egipcio masure bajiro bajigu ñaami” masa ña yirũcũbuosere bojabetimasiñuju Moisés. 25 Ado bajiro tuoïagũ ñari, tire bojabetimasiñuju ñ: “Adi macarũcũroju yũ catiñaro cõro egipcio masa rãca yũ bojarore bajiro yũ yijama, yũ rijato beroju quênabetoja ti. To bajiri Israel ñamasir'i jãnerabatia Dios yarã rãca baba cutirũcũja yũ, egipcio masa yũre quêne rojose ña yiroti ti ñaboajuquêne”, yimasiñuju Moisés ñamasir'i. 26 Ado bajiro tuoïagũ ñari, to bajiro yimasiñuju Moisés: “Egipto sitana ña cõose jairo vaja cuti rẽtoro ñamasuse ñaja, Cristo ñ ejaroti Israel ñamasir'i jãnerabatia ña gotisejuama”, yituoïacõamasiñuju. To bajiri, “Ña rãca yũ ñajare, egipcio masa rojose yũre ña yiboajuquêne, quênacõarũaroja”, yituoïacõamasiñuju Moisés. To bajiro ñ tuoïajama, ñ rijato bero, “Cristo sũorine quẽnaro yũre yirũcũmi Dios” yituoïagũ yimasiñuju.

27 Egipcio masa uj̄ũ ĩ j̄ũnisinisere ḡũigũ me, ti sitare vaveomasĩñuju Moisés. “Ĩ yirore bajiro yigũ ñagũmi Dios” yit̄ũoĩagũ ñari, Diore ĩre ĩabetiboarine, ĩ bojarore bajiro ĩ yirotire masic̄ari, vacoamasĩñuju. 28 “Ĩ yirore bajiro yigũ ñagũmi Dios” yit̄ũoĩagũ ñari, Israel ñamasir'i j̄ãnerabatiare “Dios ĩrotirote bajiro Pascua boserũmũ yito mani” yigũ, oveja s̄iar'i ri'ire cojovi r̄uyabeto sojerire turotimasiñuju. Tire ĩamasic̄ari, Israel ñamasir'i j̄ãnerabatia ĩna r̄ĩa c̄utis̄uoriar̄e “Dios ĩ c̄oagũ ángel, s̄ĩagũ s̄ãjabetic̄ato” yigũ, yimasĩñuju Moisés ñamasir'i.

29 “Ĩ yirore bajiro yigũ ñagũmi Dios”, yit̄ũoĩar̄ã ñamasĩñujar̄ã Israel ñamasir'i j̄ãnerabatia quẽne. To bajiro Diore t̄ũoĩar̄ã ñari, Diore ajitir̄ũn̄ac̄ari, moa riaga Oco S̄ũarisa v̄ãme c̄utiyare j̄ẽamasĩñujar̄ã. Dios ĩ masise s̄uori “Riagare j̄ẽato” yigũ, oco mano ĩ yibosajare, carari maare j̄ẽamasĩñujar̄ã ĩna. To bajic̄ari, egipcio masa ĩnare t̄uoruar̄ã, s̄uyaj̄ẽamasiboayujar̄ã. ĩna j̄ẽaejabetone, ruureac̄oamasĩñuju Dios.

30 To bajiro ĩna bajimasiriario bero, Israel ñamasir'i j̄ãnerabatia Jericó v̄ãme c̄uti macare ĩmaruar̄ã, ti macare ĩna matariac̄ũni s̄uyarojuare ejac̄ari, cojomo c̄oro juã j̄ẽnituarir̄ãcarũm̄ari r̄ũja ḡãnibiarũgũmasĩñujar̄ã ĩna. To bajiro ĩna bajirone, “Ĩ yirore bajiro yigũ ñagũmi Dios” yit̄ũoĩar̄ã ĩna ñajare, ti maca matariac̄ũni cague v̄ẽjacoamasĩñuju ti. 31 Ti macago Rahab v̄ãme c̄utigo, ãm̄uare ajeriar̄ã c̄utic̄ari, vaja s̄ẽnigõ ñaboarine, “Ĩ yirore bajiro yigũ ñagũmi Dios”, yit̄ũoĩagõ ñamasĩñuju so. To bajiri Israel ñamasir'i j̄ãnerabatia juar̄ã ĩarudirimasa

ejarãre quẽnaro ãnare yimasiñuju so. Quẽnaro ãnare yirio ñari, so ya macana Diore ajirũcũbũobetiriarã rãca rijabetimasiñuju.

³² Jẽre jairo mũare gotibũ yũ. Tire bajiro Diore tũoĩamasiriarã jediro ãna bajimasirere yũ ucajama, yoaro ucabogũja yũ. Gedeón, Barac, Sansón, Jefté, David, Samuel, to yicõari, Diore gotirẽtobosariarã jediro ãna bajimasirere quẽne ucabogũja yũ. ³³ ãna quẽne, “Í yirore bajiro yigũ ñagũmi Dios” yitũoĩarã ñari, gaje sitana rãca ãna gãmerã sãajama, ãnajũa rĩne, ãnare sãacõarũgũmasiñujarã ãna. Gãjerãma, quẽnaro masare rotimasiñujarã ãna, ãna yarãre, “Quẽnaro gãmerã yato” yirã. Gãjerãma, rojose tãmũorã ñari, “Yũare ejarẽmoña” yirã, Diore sãnimasĩñujarã ãna. To ãna yijare, í gotiriarore bajirone ãnare ejarẽmomasiñuju Dios. Gãjerãrema, “Í yirore bajiro yigũ ñagũmi” Diore ãna yitũoĩajare, “Yaia, león vãme cõtirã ãnare babeticõato”, yiyumi Dios. ³⁴ Gãjerãma, jeame bũto ãjũroju ãna reatĩariarã ñaboarine, mũabetimasiñujarã. Gãjerãma, ãnare ãaterimasa jariaseri rãca ãna sãaruasere ãacõari, rudimasiñujarã. Gãjerãma, tĩmabetiboariarãne, Dios ãnare í ejarẽmojare, tĩmarã ñacoasujarã ãna. To bajiri, ãnare ãaterã sãarã ejarãre ãnajũa rĩne sãareacõarũgũmasiñujarã. ³⁵ Rõmia quẽne, “Í yirore bajiro yigũ ñagũmi” Diore ãre yitũoĩarã ñari, bajireacoanare Dios í masise sũori í cãtiorãre yarã cãtiyujarã.

Gãjerãma, “Í yirore bajiro yigũ ñagũmi Dios” yitũoĩarã, ado bajiro bajiyujarã: ãnare ãaterimasa ãnare ñejecõari, “Dios ocare mũ ajitirũnũ tũjabetijama, mũre sãaruarãja yũ”, ãnare

yigotiyujarã ãna. To bajiro ãna yiboajaquẽne, “Ï yirore bajiro yigũ ñagũmi Dios” yirã, ãnare güimenane, ado bajiro tũoĩañujarã ãna: “Ïna sãacõajaquẽne, tudicaticõari, Dios tũjũ rẽtoro quẽnaro ñaruarãja mani”, yitũoĩamasiñujarã ãna. To bajiro yirã ãna ñajare, ãnare sãacõañujarã. ³⁶ Gãjerã quẽne, “Ï yirore bajiro yigũ ñagũmi Dios” yitũoĩarã ñari, ado bajiro rojose tãmuõñujarã ãna: Ñnare ajatud'icõari, ãnare bajeyujarã. Gãjerãrema, ãna ãmorijũ cõmemarine siacõari, tubibecũñujarã ãna. ³⁷ Gãjerãrema, gũtane ãnare reasĩañujarã. Gãjerãrema, ãna rujũ gudarecone yijetasãacõañujarã. Gãjerãrema, jariaseri rãca ãnare saresãacõañujarã ãna. Gãjerãma, sudi manijare, vaibũcũgasene sãñañujarã. To bajicõari ãna ñaroti maca bũjamenane, maioro rojose yiecocudirũgũñujarã ãna. ³⁸ “Ï yirore bajiro yigũ ñagũmi Dios”, yitũoĩarã ñañujarã ãna. Dios ï ãamairã ñaboarine, gãjerã ãna ãaterã ñari, ãna ñaroti bũjamenane masa manojũ, gũtayucũri vatoajũ gũtavirijũ ñacudiyujarã ãna.

³⁹ Rojose tãmuõriarã muare yũ gotirã, jediro ñañujarã “Ï yirore bajiro yigũ ñagũmi Dios” yitũoĩariarã. To bajiro Diore tũoĩarã ñari, “Manire ãavariquẽnagũmi Dios”, yitũoĩañujarã ãna. To bajise tũoĩarã ñaboarine, nijũane “Quẽnaro yirũcũja yũ” Dios ï yirere yiecobesuma maji. ⁴⁰ Ñna tũoĩase rẽtoro quẽnase ï yirũajare, to bajiro bajiyuma maji. To bajiri, yucũrema, mame Dios ï vasoase ñajare, ãnare, manire quẽne, “Rojose mana ñaama”, yĩlagũmi Dios.

12

“Cristore ajitirũnũcõa ñarũgũrũarãja mani”, yire queti

¹ To bajiro mani ñicua ña bajirere mani ajijama, “Í yiore bajiro yigu ñagũmi’ Diore ñre yitũoĩacõari, quẽnaro ñre ajitirũnũñuma ña”, yimasiaja mani. To bajiri josase ti ñaboajaquẽne, mani quẽne, Diore ajitirũnũ tũjabeticõato mani. Mani tũana rojose manire ña yirotijama, ñare cũdibetirũarãja mani, “Ína sũori Dios í bojabeti yirobe” yirã. Jesucristo, adigodojũ ñagũ Diore í ajitirũnũriarore bajiro mani quẽne Diore ajitirũnũcõa ñarũgũrũarãja.

² Cristore tũoĩatũjabetiroti ñaja manire. Ñe ñaami mani tũoĩamasirotire cõagũ. To bajiri, manire í ejarẽmojare, “Í yiore bajiro yigu ñagũmi Dios”, yitũoĩa tũjabeaja mani. Yucũtẽrojũ masa ñre ña jajuturo, bũto rojose tãmũogũ ñaboarine, Dios tũjũ quẽnaro í ñarotijũare tũoĩagũ ñari, ñre ña yirotire, “Yibeticõato”, yibesumi. To bajiri manire rijabosacõari, yucũrema, õ vecajũ Dios í rotiñarojũ í riojojacatũa rũcũbũoriajũre rujigũ ñagũmi.

³ Jesús adigodojũ í ñaro, bũto rojose ñre ña yiboajaquẽne, quẽnasejũare yicõa ñañumi. To bajiri mani quẽne, rojose tãmũorã ñaboarine, quejemenane, quẽnasejũare yicõa ñarũgũroti ñaja. ⁴ Jesucristo rojose í tãmũoriarore bajiro tãmũomenaja mũa maji. To bajiri, rojose tãmũorã ñaboarine, ñacõarãja mũa. ⁵ Diore ajitirũnũrã ñari, í rĩare bajiro bajirãre, “Rojose tãmũorã ñaboarine, Í yiore bajiro yigu ñagũmi’ yũre yitũoĩa tũjabeticõato ña” yigũ, mũare gotimasioñumi. Tire masiritirãja mũa. Ado bajise gotiaja ti Dios ocare masa ña ucamasire:

“Macu, ‘Ado bajirojua yiya’, mure yu yisere ajitebesa. Rojose tãmuogũ ñaboarine, yu bojarore bajiro yicõa ñaña.

⁶ Yune ña jacure bajiro bajigu ñari, yu mairãre, ‘Ado bajirojua mua yijama, quẽnaruroja’ ñare yirũgũaja yu”, yigotiaja Dios ocare masa ña ucamasire.

⁷ To bajiri, rojose tãmuoboarine, “Ï yiore bajiro yigu ñagũmi Dios”, yitũoĩa tujabesa mua. Rojose mua tãmuose suorine quẽnaro muare ï yiotire masiogũ yigũmi Dios. Sĩgũ ï rĩare ï gotimasiorore bajiro yigu, yigũmi Dios, “Yu bojarore bajiro yirã ñato” yigu. Rĩa cutirã jedirone, ña rĩare gotirũgũrãma. ⁸ To bajiri, Dios quẽne, “Yure ajitirũnarã ñari, yu rĩare bajiro bajirã ñaama” yigu, ñare gotimasiorũgũami Dios. To bajiro muare Dios ï yibetijama, jacu manare bajiro ñaborãja mua. ⁹ Mani jacua, manire ña yirere tũoĩato mani. Rĩamasaca mani ñaro rojose mani yijare rojose manire yiriarãma ña, “Yua bojarore bajiro yirã ñato” yirã. To ña yiore ajirũcũboriarãja mani. To bajiri Dios quẽne, “Yure bajiro quẽnaro yirã ñato” yigu, rojose mani yijare, rojose manire ï yijama, butobusa ñe ajirũcũboroti ñaja manire. Ñe mani ajirũcũbojama, mani rijato bero, tudicaticõari, ï rãca quẽnaro ñacõa ñarũgũuarãja mani. ¹⁰ Mani jacua, ña gotimasiojama, ña yimasiro cõro manire gotimasioriarãma ña. Diojama, masijeogu ñari, “Ado bajirojua ña yijama, quẽnaja”, yimasigũ ñagũmi. To bajiro yigu ï ñajare, yucurema rojose tãmuoboarine, quẽnaro ñe mani ajirũcũbo tujabetijama, ñe bajiro quẽnaro yirã ñaruarãja mani. ¹¹ Rojose mani yise vaja “Rojose tãmuoato

ĩna” yigũ, Dios rojose manire ĩ yijama, sũtiritirãja mani. Rojose mani tãmuosere tũoĩacõari, “Ađo bajise manire yimasioğũ yigũmi Dios” mani yitũoĩamasijama, ĩ bojarore bajiro yiroti ñaja. To bajiro mani yijama, quẽnaro ñarũarãja mani.

“Dios ocare mani ajitirũnũ tũjajama, gũiose ñaja”, yire queti

¹² To bajiri, “Dios manire ĩ gotiriarore bajirone quẽnaro yirũcũmi” mũa yitũoĩa sũocatore bajiro yitũoĩaña mũa quẽna. Tire tũoĩacõari, mũa yimasiro cõrone Diore quẽnaro ĩre ajitirũnũña mũa, “Ñajediro Dios ĩ gotiriarore bajirone quẽnaro manire yato” yirã. ¹³ To bajiri, Dios ĩ bojasere yirũarã, quẽnaro tũoĩaña mũa. Quẽnaro tũoĩacõari, ĩ bojarore bajiro mũa yijama, mũa babarã quẽne Cristore bũtobũsa ajitirũnũarãma ĩna.

¹⁴ Mũa jediro, quẽnaro gãmerã yirũgũrũarãja mũa, “Quẽnaro ñacõari, bũtobũsa Dios ĩ bojarore bajiro yirã ñato mani” yirã. To bajiro mũa yibetijama, Diorãca quẽnaro ñabetirũarãja. ¹⁵ Mũa rãcana ñajedirore quẽnaro ejarẽmorũgũrũarãja mũa, “Cristo sũori Dios quẽnaro manire ĩ yisere, ‘Socase ñaja’ yitũoĩaroma ĩna” yirã. Socase yigũ ĩ ñajama, “Ĩ sũorine Dios ocare ajitirũnũ tũjacõari, ĩyũare ajisũyaroma” yirã, quẽnaro gãmerã ejarẽmorũgũña. ¹⁶ To yicõari, “Gãmerã ajeriarã cutiroma” yirã, mũa rãcanare quẽnaro gotirũarãja mũa. Esaú ñamasir'ire bajiro yibeticõaña mũa. ĩ gagũ ñaboarine, bare barũne, “Yũre mũ ecajama, mũ bedire bajiro bajirũcũja yũ”, ĩre yimasĩũju. To yicõari, “Mani jacũ ĩ rijaroto rĩjoro, ‘Yũ macũ ñasũogũ ñaami’ ĩ yirocũ ñarũcũja mũ. To ĩ yirocũ

ñari, ‘Quēnaro yirucuja’ Dios ï yirere yiecorocu ñarucuja ma”, yimasiñuju Esaú, ï bedire. ¹⁷ “Dios ocare ajirucubobecu ñañumi”, ïre yimasiaja mani, ado bajiro ïna bajimasire ñajare: ï jacu ï bajirocaroto rïjoro, “ï gagu ñaja ma. To bajiri quēnaro mare yirucumi Dios”, ï jacu ï yisere ajirucamasiboayuju Esaú. “Jēre ma bedijare gotiyuja ya” ï yisere ajicōari, bato otiboarine, “Quēnaro yirucuja” Dios ï yirere bujabetimasiñuju Esaú.

¹⁸ To bajiri, mame Dios ï vasoasere ajirucuborã ñari, maama, mani ñicua ïna ïamasire ïnire ïabesuja ma. ïnama, gūtauju ñacudir'i Moisés ï rojaejaro bero, gūtau ti ïjusere ïañuma. To bajicōari ti bue-sene rētiacōamasiñuju. Bato bujo quēne jamasiñuju. To bajicōari, mino bato vamasiniñuju. ¹⁹ To bajiro ti bajirone, jutiria trompeta vāme cutia busisere ajicōari, bato gūimasiñujarã ïna. To bajicōari, Dios ï ocaruyusere ajimasiñujarã ïna. Tire ajigūicōari, to cōrone ï ñagōtajasere bojamasiñujarã ïna. ²⁰ Dios ï rotirere no bajiro yimasibetica yirã, “To cōrone ñagōtjato”, ïre yimasiñujarã. Ado bajiro ïnare rotimasiñuju Dios: “Sīgū masu, to yicōari, vaibucu ũgū quēne gūtare ï cadajama, gūtane reasīacōaroti ñaja”, yimasiñuju. ²¹ ïna ïamasire bato gūiose ti ñajare, Moisés ñamasir'i quēne, “Gūigu, nanaja ya”, yimasiñuju.

²² Mani ñicua ïna bajimasiriarore bajiro bajirã me ñaja maama. To bajiri, ò vecaju ñaricu gūtau joeju ñarimaca Jerusalén vāme cuti macaju Dios ñacōa ñarūgūgū ya macaju ñarãre bajiro bajiaja ma. To bajicōari, Dios tuana jājarã ángel mesa

rējacōari, Diore ĩna rŭcuburoju űarāre bajiro bajiaja mŭa. ²³ To bajicōari, “Ado cōro űaama yŭ rāca űarŭgŭrona” Dios ĩ yucaturiarā űari, ĩ tŭju űarā rāca rējarāre bajiro bajiaja mŭa quēne. Masa űajedirore ĩabeserocu tŭjere gŭimenane ejarāre bajiro bajiaja mŭa. Rojose yiriarā űaboarine, Jesŭre ajitirŭnrĭarā ĩna űajare, ĩ tŭju ĩna ejaro, “Rojose mana űaja mŭa” Dios ĩ yŭĭarĭarā rāca űarāre bajiro bajiaja mŭa quēne. ²⁴ To bajiri, Jesŭs tŭju ejarona űaja mŭa. ĩne űaami, “ ‘Mame oca mŭare vasoarŭcŭja yŭ’ Dios ĩ yiriarore bajiro bajiato” yigŭ, manire rijabosar'i. To bajiri, ĩ ri'i sŭorine, “Rojose mana űaama”, manire yŭĭaűumi Dios. To bajiboarine tirŭmŭju, Abel űamasir'i ĩ sŭaecomasiŭjama, “ĩ ri'i sŭorine ‘Rojose mana űaama’ masare Dios ĩ yŭĭaroti me űamasĭŭja”, yimasĭaja mani.

²⁵ To bajiri Cristo ĩ rijabosare sŭorine mame oca Dios ĩ vasoarere ajitirŭnrĭoti űaja. Moĭsŭs űamasir'ire Dios ĩ roticŭmasirere cojoji me ĩna cŭdibetĭjare, rojose ĩnare yirŭgŭmasiűuju Dios, “Yitŭjacōari, yŭ bojasejŭare yato ĩna” yigŭ. To bajiro ĩ yimasire űajare, mame ĩ vasoasere quēne mani ajĭbetĭjama, “Rojose manire yirŭcŭmi”, yimasĭaja mani. ²⁶ Gajeyerema tirŭmŭju mani űicŭa űamasirĭarāre gotigŭ, sita nrŭaroju űagōmasiűuju Dios. ĩ ocare masa ĩna ucamasire quēna ĩ yĭrotire ado bajiro gotĭaja: “Quēna yĭnrŭojama, adi macarŭcŭroaye, ō vecayere quēne yĭnrŭobatorŭcŭja yŭ”, yĭgotĭaja, Dios ocare masa ĩna ucamasire. ²⁷ To bajiro quēna Dios, “Yirŭcŭja” ĩ yirere mani ajĭjama, “Adi macarŭcŭro űase jediro ĩ rujeore reajeocōarŭcŭmi”,

yimasiaja mani. Rẽmojune “Yayibetirũaroja” ĩ yirujeore rĩne rũyarũaroja ti. ²⁸ To bajiri socase me ti ñajare, “Diore ajitirũnũriarã ĩna bajireajama, ĩ rotiñarojũ ĩna caticõa ñarotire yigũ, ĩ catisere ĩ ĩsiriarã ñari, ĩ rãca ñarũgũrũarãma”, yimasiaja mani. To bajiro mani bajiroti ti ñajare, Diore rãcãbũorã, “Quẽnaro yũare yaja mũ”, ĩre yisẽnito mani. To yicõari, ĩ bojarore bajiro yirũgũto mani, “Manire ĩajũnisinicõari, rojose manire yiromi” yirã. ²⁹ ĩ bojabeti yirãre rojose yigũ ĩ ñajare, ĩ bojarore bajiro yiroti ñaja manire.

13

“Ĭavariquẽnato Dios” yirã, quẽnaro mani yiroti queti

¹ To bajiri adi mũare gotitasaja yũ: Ado bajiro yiñaña mũa, “Manire ĩavariquẽnato Dios” yirã. Cristo yarã ñari, gãmerã ĩamaitajabesa mũa. ² Gajeroana mũa masimena Cristore ajitirũnrã mũa tũ ĩna ejajama, quẽnaro ĩnare yirũarãja mũa. Mani ñicũa quẽne, gajeroana ĩna masimena ĩna ejaboajaquẽne, quẽnaro ĩnare yirũgũmasiñujarã ĩna. To yirã ñari, cojojirema ángel mesare “Dios ĩ cõariarã ñarãma” yimasibetiboarine, quẽnaro yimasĩñujarã ĩna.

³ Gãjerã Cristore ajitirũnrãre tubibe ecorãre masiritibesa mũa. Mani quẽne mani tubibe ecojama, “Quẽnabetoja” yitũoĩarã ñari, ejarẽmoña. Gãjerãre quẽne, rojose ĩnare ĩna yijama, mũa quẽne ĩna rãca rojose tãmũorãre bajiro ĩnare ĩamaicõari, ejarẽmoña mũa.

4 Gãmerã m̄ua bojasere quẽnaro r̄uc̄ub̄oroti ñaja. Manajo c̄utirã, manaj̄u c̄utirã, manajo mana, manaj̄u mana quẽne gãjerã rãca ajeriarã c̄utibesa. To bajiro m̄ua yijama, “Rojose tãm̄uoruarãma”, m̄uare yir̄uc̄umi Dios.

5 Jairo gãjoa c̄uor̄ua t̄uoĩabesa m̄ua. Mojoroaca c̄uorã ñaboarine, “Jẽre ñac̄oaja”, yit̄uoĩac̄oãña m̄ua. Ado bajiro Dios ĩ yirej̄uare t̄uoĩãña: “M̄ure vaveobec̄une, m̄u rãca ñac̄oã ñarũgũr̄uc̄uja ȳu”, yiyumi Dios, manire. 6 To bajiro ĩ yirere mani ajijama, “Soc̄u me yiyumi” yimasic̄õari, Dios oca ti gotirote bajiro ado bajiro yimasiaja mani:

“Dios ñaami rojose ȳu tãm̄uoro, ȳure ejarẽmogã. To bajiro rojose ȳure yirãre güibeaja ȳu”, yaja mani.

7 Cristo ocare m̄uare gotimasios̄uc̄ocana ñna bajicature masiritibesa m̄ua. “Ĩ yirore bajiro yiḡu ñagũmi Cristo” yit̄uoĩarã ñari, ĩre ajitir̄ũn̄u t̄ujamenane, bajireacoacama ñna. Ñna bajicatore bajiro, Cristore ajitir̄ũn̄u t̄ujabesa m̄ua quẽne.

8 Jesucristo ñagũmi t̄uoĩavasoabec̄u, cojojire bajiro quẽnaro yirũgũgũ. To bajiri m̄uare gotimasios̄uc̄ocanare quẽnaro ñnare ejarẽmor'i, manire quẽne to bajirone ejarẽmoc̄õa ñarũgũr̄uc̄umi.

9 M̄uare ñna gotimasios̄uc̄ocature bajiro me, ricati ñna gotimasiosere ajitir̄ũn̄ubetic̄oãña m̄ua. Ado bajiro m̄uare gotirũgũrãma ñna: “ ‘Babetir̄uarãja m̄ua’ mani ñic̄ua ñamasiriarã ñna yimasirere m̄ua ajir̄uc̄ub̄ojama, quẽnaja”, m̄uare yirãma ñna. To bajiro m̄uare ñna yigotise me, ado bajiro m̄ua yit̄uoĩarũgũsej̄ua ñaja quẽnase: “Dios manire ĩamaic̄õari, manire ejarẽmor̄uc̄umi”

mua yituoīarũgũsejua ñaja quēnase. To bajiro mua tuoīajama, butobusa ĩ bojarore bajiro yirã ñarũtuarãja mua.

10 Cristo manire ĩ rijabosare suori Moisére Dios ĩ roticũmasirore bajiro me bajiaja. Moisére Dios ĩ roticũmasirere ajitirũnarã, rojose ĩna yisere “Masirioato Dios” yirã, “Vaibucurã soemucõa ñaroti ñaja” yituoīarã ĩna ñajare, “Rojose mana ñaama”, ĩnare yĩabecumi Dios. Manijumarema, vaibucu rii ĩna soemucose ũnirene yigu, Cristo ĩ rijabosare suori, “Rojose mana ñaama” Dios ĩ yĩarã ñaja mani. 11 Moisére Dios ĩ roticũmasirere ajitirũnugũ paia ujũ ñamasugũma, vaibucu ĩna sĩar'i ri'i ĩoriabajare amisãjacumi, Dios ĩ ñarisõa vãme cuti sõajũ, “Rojose ĩna yisere masirioato Dios” yigu. ĩ sãjatoye, vaibucu rujumarema ti maca sojuaju amivacõari, soerocacõarãma ĩna, ĩre ĩaterã ñari. 12 To bajiro vaibucure ĩna ĩaterore bajiro bajiyumi Jesús quēne. Jerusalén maca sojuaju yucútēroju jajusĩa ecoyumi, rojose mani yisere manire yirētobosagu. To bajiro bajiyumi, “Rojose mana ñaama” manire Dios ĩ yĩarotire yigu. 13 To bajiro Jesús ĩ bajibosare ñajare, Moisére Dios ĩ roticũmasirere ajitirũnarã rojose mware ĩna yiboajaquēne, tire ajirũcubuo tũjacõari, mame Dios ĩ vasoarejũare ajitirũnuroti ñaja mware. 14 To bajiro bajiruarãja mua, adigodoayere tuoīabeticõari, “Dios ĩ ñarimaca ñaja mani ñacõa ñarũgũroti maca” yituoīarã ñari. “Adi macarucurojũrema manoja mani ñacõa ñarũgũroti maca”, yimasirãja mua. 15 To bajiri, Jesucristo ĩ rijabosare suori, Diorãca mani ñacõa ñarũgũroti ti ñajare, vaibucurãre sĩacõari,

Īna soemose ūnirene yirā, “Quēnamasucōaja m̄” Diore yir̄sc̄b̄uo t̄jabetiroti ñaja, manire. ¹⁶ To yicōari, “Quēnaro gāmerā yiroti ñaja manire” yirere masiritibeticōaña m̄a. To yicōari, m̄a t̄ana maioro ĩna bajisere masicōari, m̄a c̄ose ĩnare ĩsiña. To bajiro m̄a yijama, Dios ĩ ĩavariquēnase yirā, yir̄nar̄ja m̄a.

¹⁷ M̄are ūmato ñarāre quēnaro c̄diya m̄a. “‘¿No bajiro ĩnare ĩatir̄n̄cati m̄a?’ manire yis̄niĭaḡūmi Dios” yimasirā ñari, tocārācar̄m̄ne, “Diorāca quēnaro ñato ĩna” yirā, m̄are ĩatir̄n̄ar̄ḡūrāma ĩna. To bajiri, quēnaro ĩnare m̄a c̄dijama, to bajiro m̄a yisere, “Ado bajiro quēnaro m̄are ajitir̄n̄cama ĩna”, Diore ĩre yivariquēnar̄āma ĩna.

¹⁸ To bajiri, “Dios ĩ bojarore bajirone yato ĩ” yirā, Diore ȳre s̄nibosaya. Dios ĩ bojase jediro yir̄ḡūaja ȳ. To bajiro yiḡ ñari, t̄oĭarejaibec̄ane ñacōaja ȳ. ¹⁹ To yicōari, yoaro mene quēna m̄a t̄u ȳ varotire yirā, ȳre s̄nibosaya m̄a, Diore.

“Quēnaro m̄are yato Dios”, yire queti

²⁰ “Quēnaro ñato ĩna” yiḡ manire ejar̄moḡūmi Dios. ĩne ñaḡūmi, mani ūj̄a Jesús manire ĩ rijabosaro bero, ĩre catior'i, ĩre catiocōari, “Ovejare ĩatir̄n̄ḡure bajiro, ȳ yarāre quēnaro ĩnare ĩatir̄n̄ar̄c̄aja m̄” ĩre yir'i. Jesús ĩ rijabosare s̄orine, “Rojose ĩna yisere masiriocōari, quēnaro yir̄c̄aja ȳ” masare Dios ĩ yimasiriarore bajirone bajiyuja. To bajiro ĩ yise jedibetir̄aroja. ²¹ Ado bajiro Diore m̄are s̄nibosaja ȳ: “‘M̄ bojarore bajiro yato ĩna’ yiḡ, ĩnare ejar̄moña m̄”, m̄are yis̄nibosaja ȳ, Diore. “‘Jesucristo ĩ ejar̄mose

rãca quẽnaro yaja мѡа' yivariquẽnato" yigѡ, Diore мѡare sãnibosaja уѡ. Quẽnarẽtogũ Cristo ĩ ñajare, "Quẽnamasucõaja мѡ", ĩre yirũcubѡ tѡjabetiroti ñaja, manire. To bajirone bajicõa ñarũgũato.

²² Mojoroaca мѡare papera ucacõaja уѡ. To bajiri, "Вѡtobѡsa, 'Ī yirore bajiro yigѡ ñagũmi' Cristore ĩre yitѡõĩato ĩna" yigѡ, мѡare уѡ gotisere quẽnaro tire ajimasiña мѡа, уѡ mairã.

²³ Mani maigũ Timoteore ĩna tubiber'ire jẽre ĩre bucõañujarã. To bajiri, yoaro mene ĩejajama, ĩrãca мѡа tѡjѡ varѡcѡja уѡ.

²⁴ Мѡare ũmato ñarimasa, to yicõari, мѡа rãcana Jesucristore ajitirũnrã jediro, "Quẽnato". "Quẽnato", мѡare yama Italia sitana quẽne.

²⁵ Dios, мѡare ĩamaigũ ñari, quẽnaro мѡare yato ĩ.

To cõro ñaja.

Dios oca gotirituti
New Testament in Barasana-Eduria
(CO:bsn:Barasana-Eduria)

copyright © 2010 Wycliffe Bible Translators, Inc.

Language: Barasana-Eduria

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Barasana-Eduria

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files
dated 29 Jan 2022

b6661d38-f021-5259-8010-5dec5b9ba28d